



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>

CATECISMO
DE LA
DOCTRINA CRISTIANA
EN LA LENGUA DE
ISINAY & INMEAS.

CORREGIDO, AÑADIDO Y REDACTADO EN MEJOR FORMA
DEL ANTIQUO MANUSCRITO,

FCE.

N. M. R. P. EX PROVINCIAL FR. FRANCISCO ROSAMORA,
siendo Vicario de Dupax.


SE REIMPRIÓ POR ORDEN DE
N. M. R. P. FR. RUPERTO ALARCON
Prior Provincial

DEL SANTÍSIMO ROSARIO DE FILIPINAS.

CON LAS LICENCIAS NECESARIAS.

MANILA
IMPRESA DE SANTO TOMÁS,
A CARGO DE D. PEDRO MEMIJE.

1876.



DOCTRINA CRISTIANA.

DASAL YNIMMEAS.

Pancruzar.


Apu min Dios ✠ ybaliu raami ysiät eom' miar dari ✠ si ar tandan di santa cruzar ✠ si ngaron di Amar, on Aná-ar, ✠ on Espiritu Santoar. Amen Jesus.

Amamiar.

Ama min vara át viopar: ygalang di ngaron muar dumatong yramir panariam: maunur otiar ajaijajamar situ pióar si atdit viopar.

Uar anon miar si opung si eajao atdom yramit eajauar besan: on ipatauar mu yramir otang miardari si atdit pa-

matauar mit naotangãanardari yrami: on
urrian daamin ipuroy ysiat sojsoar: yba-
liu raami baião ysiat mardaj loman,
Amen Jesus.



Ave Maria.

Ave María, napnuat gracia. Apuar Dios
uara ysia, bendita at babayardarin lo-
man, on benditar bungan di putumar
si Jesus.

Santa María, ynan di Diosar mangui-
pajôgôs á yramin macasalanan, besan,
on si atayan miar. Amen Jesus.

**Manutuâ si Diosar.**

Manutuâ si Diosar Ama, manaraum si loman, namalsat, viopar, on piôar. Manutuâ pat Anânar tanir si Jesu-Christon Aputau, an nisisipét apian di Diosar Espiritu Santo: yn-anâ Santa Marian Virgen: ypariridirilan di Ojomar Poncio Pilato; nipasaj si Cruzar, natoy, on nilubu. Linmasún si Infiernosardari; ynmulin matajut atlunar eajao. Nanayáng si viopardari; manmeong si uauanón di Diosar Aman manaraum si loman. Mibus sirri umalit tun mangojom si matajuardari, on natoy. Manutuâ si Espiritu Santoar.

Tutuô par Santa Iglesiar Catholica; panninganabang di Sasantosardari; pamatá-uarar si casalananardari: tutuô par yu-ulirar matajur batang di tajuardarin lom-an, on atajuanar neir tunana. Amen Jesus.



Salvear.

Salve-Ari, ynan maayayú. Siat atajuan, asingaoan, on pamdean mi. Salve Ari: Siat ayayajan min napúpú, an anâ Eva. Siat panbun-osan min manayuong on manibil sitie piôar panlúan. Anán mos Apu, an manguilaua yrami, ituilim yrami sarranan matam maayayú: on tayanan mi y-lar piôar, ya pabatar mu yramit Je-

sus, mabenditon bungan di putumar;
À majogôgôs! À maayayú! ;À māmīs
Virgen María! Ypajôgos daami ysián
masantos ynan di Diosar; ta mipajná
amin minabang si ynsipan di Aputauar
Jesu-Christo. Amen Jesus.

Tongtong di Diosar.

Uar tongtong di Diosar, ot sinpiura:
Uar tiuardarin maunan tongtong, ot to-
nan di panguigalangar si Diosar: Uar
urumardarin pitun miseseunur ot to-
nan di panpebbesar, on panguigalangar
si ysuar taju.

Uar maunar tongtong: aruom di Diosar
mu si lomanar.

Uar aruanar: marrian manpajuben
manguisumpat masantosar nğaron di
Diosar.

Uar atlunar: manpaniao at Simbardari,
on fiesta.

Uar apathnar: igalang mu ra aman, on
ynam.

Uar alimantar: marrián mamatóy.

Uar anomnar: marrián amoy si boonar
asauam.

Uar apitunat: marrián manga-ao.

Uar aucunat marrián: mangatajatao,
on manburburuy.

Uar asiamnat: urriam yluéan di asauan
di ysumar taju.

Uar apiunat: urriam pay yluéan di
bandin di ysumar taju.

Saratien sinpiun tongtong, dua et atipujanda: Uar maunat ot aruom di Diosar mu si lom-anar. Uar aruanat aruom di ysumar tajut atna ysia. Amen Jesus.

***Tongtong di Ynatauar Santa
Iglesia.***

Uar tongtong di ynatauar Santa Iglesia
ot limara.

Uar maunat tongtong: miseom at osan Misa si Domingoardari, on fiesta.

Uar aruanat: mauconfesal át manping-san si opung di tauonar, on atdi pay, mu uarat ycajem si atayam.

Uar atlunat: minabang át Pasquan di ynulianat matajor Aputauar Jesu-Christo.

Uar apatnat: manayunal át panpaayunalan di ynatauar Santa Iglesia.

Uar alimanat: manbayar át ynatauar

Santa Iglesias diezmosardari, on primicias.

Sacramenton di Ynatauar Santa Iglesia.

Uar Sacramenton di ynatauar Santa Iglesia, ot pitura.

Uar maunar Sacramento: Bautismo, ar panbautizoar.

Uar aruanar: Confirmacion, ar panpas-dear si panutuar.

Uar atlunar: Penitencia, ar panconfesalar.

Uar apatnar: Comunión, ar pinabangar si mablear batang di Aputauar Jesu-Christo.

Uar alimantar; Extremauncion, ar pan-guipúnas di padrear si masantosar lanat manatungardari.

Uar anomnar: Orden, ar panpa-padrear.

Uar apitunar: Matrimonio, ar pancasal di cristianoardari. Amen Jesus.

Articulosardari.

Uar Articulosardarin tona taun tu-tuon, ot sinpiura ot opat.

Uar pituardarin mauna, ot tonan di Diosar si ynariosnar.

Uar urrumardarin pitu, ot tonan di Aputauar Jesu-Christot tinajuana mos: Uar pituardarin tonan di Diosar si ynariosnar, ot saratu.

Uar maunar: tutuón, ta ossear Diosar manaraumi si loman.

Uar aruanar: tutuón, ta siat Ama.

Uar atlunar: tutuón, ta siat Ana.

Uar apatnar: tutuón, ta siat Espíritu Santo.

Uar alimantar: tutuón, ta siat Namalsa.

Uar anomnar: tutuón, ta siat Manguibaliu.

Uar apitunar: tutuón, ta siat Manpagloria.

Uar urrumardarin pitu, an tonan di Aputauar Jesu-Christo tinajuana mos, ot saratu.

Uar maunar: tutuón, ta uar Aputauar Jesu-Christo ot nisisipet apian di Diosar Espíritu Santo.

Uar aruanar: tutuón, ta siat ynaná Santa Marían Vírgen: Vírgen si nanungna tay manâna, Vírgen si pajauan di ynpa-

nânanar, Virgen si naabusanan^ñnananâan,
on Virgen paylan sinapat.

Uar atlunar: tutuón, ta siat ynparirdi-
rila, on ynpapatoy si ar ynpannob nar
yritaun macasalanan.

Uar apatnar: tutuón, ta siat linmasun
si Infiernosardari, on ynsaiat nar An-
guen di santosardarin aman nansor sir-
rit masantosar dinatngana.

Uar alimantar: tutuón, ta siat ynmul-
lin matajot atlunar eajao si natayana.

Uar anomnar: tutuón, ta siat nanayáng
si viopardari, on nanmeong si uuanón
di Diosar Aman manaraum si lom-an.

Uar apitunar tutuón, ta siat umalin
mangojom si matajuardari, on natoy,
ta payatuonat Glorianar di mebesarda-
rin taju; toy sinumpaldat tongtongnar
darin masantos; on ta pasaitona bayao
si manoy lan manoy di mardajardarin
taju; toy inurrian da riran sinumpal.

***Uar casalananardarin eapuan di
urumardarin casalanan ot pitura.***

Uar maunar: Aatajayan si pusu.

Uar aruanar: Agum.

Uar atlunar: Burruy.

Uar apatnar: Alijajá.

Uar alimanan: Bu-û.

Uar anomnar: Apa.

Uar apitunar: Eas.

***Uar Virtudesardarin cumontral pitu-
tuardatin casalanan ot pitun.***

Uar maunar: Humildad.

Uar aruanar: Simô.

Uar atlunar: Liting.

Uar apatnar: Tipe.

Uar alimanan: Laua.

Uar anomnar: Gôgôs.

Uar apitunar: Gajea.

Apiardarin Gôgôs.

Uar apiardarin gôgôs, ot simpitura ot opat. Uar pituwardarin mauna, ot tonan di batangar: Uar urrumardarin pitu, ot tonan di anguear: Uar pituwardarin tonan di batangar, ot saratu.

Uar maunar palangayar si manatun-
ngardari.

Uar aruanar: pamaanar si masiringanar.

Uar atlunar: panpaynumar si mauanar.

Uar apatnar: pamunbunar si neirar
bunbuna.

Uar alimnar: pamanguiliar, si majogô-
sarardarin taju.

Uar anomnar: pannobar si binilayar.

Uar apituñar: panguilubuar si nato-
yardari.

Uar pituardarin tonan di anguear, ot
saratu.

Uar maunar: pangáralar si neirar am-
tana.

Uar aruanar: pangatórar si mebbes tu-
jun si manpilitar.

Uar atlunar: panongtengar si miséuar.

Uar apatnar: pamatauarar si manse-
sêlatardari.

Uar alimnar: panpalingálingar si me-
ongcotardari.

Uar anomnar: pantipear si acolangan
di ysuar taju.

Uar apitunar: panguipajôgôsar si Dio-
sar si matajuardari, on natoy. Amen Je-
sus.

Pear di tajuar.

Uar pear di tajuar ot ueura.

Uar maunar: mapear di meupsutarda-

rit pusurar deum, toy dirat mantonat panarianar si viopar.

Uar aruáñar: mapear di mayam-osar darin taju; toy dirat mantonat piôar.

Uar atlunar: mapear di manibilardarin taju; toy dirat mieat alingalingan da.

Uar apatnar: mapear di mabitolardari, on mauauardarit catuliranar: toy dirat mabsuj.

Uar alimantar: mapear di majogôgôsardarin taju; toy dirat manguelat gôgôs.

Uar anomnar: mapear di malitingardarit pusurar; toy dirat mibatar si Diosar.

Uar apitunar: mapear di majinôardarin taju; toy dirat maingaranan si Anâ di Diosar.

Uar aueunar: mapear di mantipeardarit sait, si ar pangunurda si mebbe-sar; toy dirat nantonat panarianar si viopar. Amen Jesus.

Uar panaraum di anguear, ot tiura.

Uar maunar: Nomnom.

Uar aruanar: Ysip.

Uar atlunar: Gaijaya.

Uar panguinan di balangar, ot timara.

Uar maunar: Panbatar.

Uar aruanar: Pandongue.

Uar atlunar. Panepa.

Uar apatnar: Panamtam.

Uar alimanar: Pangdon.

Uar eom di angueur, ot tiura.

Uar maunar: Mundo.

Uar aruanar: Diablo.

Uar atlunar: Batang.

***Uar virtudesardarin mainġaranan
si Teologales, ot tiura.***

Uar maunar: Panutua.

Uar aruanar: Pansor.

Uar atlunar: Pangaru.

***Uar virtudesardarin mainġaranan
si Cardinales, ot opat.***

Uar maunar: Ojór.

Uar aruanar: Tulir.

Uar atlunar: Sorè.

Uar apatnar: Lâua.

Uar arapusan tauar tajo, ot opalda.

Uar maunar: Atayán.

Uar aruanar: Pangójom.

Uar atlunar: Infiernos.

Uar apatnar: Glória.

Uar ilang di Espirita Santoar, ot pitura.

Uar maunar: Ylang si Ynaamta.

Uar aruanar: Ylang si Ysip.

Uar atlunar: Ylang si Tujun.

Uar apatnar: Ylang si Sorè.

Uar alimantar: Ylang si Sabiduria.

Uar anomnar: Ylang si Gôgôs.

Uar apitunar: Ylang si taut si Diosar.

Uar bangsan di Espirita Santoar, ot sinpicra ta dua.

Uar matnar: Aru, ó Caridad.

Uar aruanar: Gaijayan di anguear.

Uar atlunar: Ajinôan di pusuar.

Uar apatnar: Tipe.
 Uar alimanan: Pannarnarar si mebbesar.
 Uar anomnar: Ajamuam manpebbes si
 ysuar taju.
 Uar apitunar: Asingauan di anguear
 manguirunan si gôgôsar.
 Uar aueunar: Talayáp.
 Uar asiamnar: Pangunur sinapatsi tuar.
 Uar apiunar: Guirao.
 Uar apiunar ta osa: Pamuor si ajamua-
 mardarin mardaj.
 Uar apiunar ta dua: Alitingan di an-
 guear on batangar.

***Uar ylang di batang di tajuardarin
minabang si Biosar, ol opatda.***

Uar maunar: Soné.
 Uar aruanar: Sauang.
 Uar atlunar: Yloj.
 Uar apatnar: Auayran si Sait.

***Uar bungbung di Biosar si tajuar
sita pioar, ol tiura.***

Uar maunar: Siring.
 Uar aruanar: Beunit.
 Uar atlunar: Beandaj.

Uar apiardarin panbayar si casalanamar, ot tiura.

Uar maunar: Panalanguen.

Uar aruanar: Ayunal.

Uar atlunar: Limos.

Uar casalanamardarin man-ayaj si pameus di Diosar, ot opalda.

Uar maunar: Pamatoyar si tajot boon catuliran.

Uar aruanar: Södomia, an casalanan si burruy, an maspajan güet.

Uar atlunar: Panlupijar si pobreardari, nanbeu on naulila.

Uar apatnar: Ariar panbayar si mitangdanar.

Uar casalanamardarin lumaban si manbotao si Diosar Espiritu Santo, ot onom da.

Uar maunar: Panbit-ear mibus si ariar pansor si gögôs di Diosar, si ar aamma-yanar, ó mu are-ean di casalananardari.

Uar aruanar: Pansorar si apatauwan di casalananardari si neir pantutuyu yrira.

Uar atlunar: Panlabanar si tuar, an manbotao.

Uar apatnar: Pangápar si Graciar, an ijôgôs di Diosar si tajuar.

Uar alimantar: Pannarnarar sinapat si casalananar.

Uar anomnar: Ariar pantutuyut casalananar sinapat lan sinapat.

Uar sacramentalesardari, an apatauwan di casalananar urriti, et siam da.

Uar maunar: Pimisar si masingao si pusu.

Uar aruanar: Pancomulgarar, ó pinabangar si maliting si pusu.

Uar atlunar: Pisermonar si mebbes.

Uar apatnar: Pamendicion di Señorar Obispo.

Uar alimantar: Pandasalar si Amamiar.

Uar anomnar: Pandasalar si Saonar macasalanar.

Uar apitunar: Panguear si danumar mabendita.

Uar aucunar: Panganar si tinapayar mabendito.

Uar asiamnar: Pantutuyuar, on pandogalar piddao si patauar si Diosar.

Confesionar.

Saon macasalanan manconfesalá si Diosar manaraum si lom-an, y Santa Marián Vírgen sinapat, y san Miguel archángel, y san Juan Bautista, si santosardarin apóstoles san Pedro, on san Pablo, y Santo Domingo, si santosardarin loman, on ysiá pay Padre; toy niseuâ si ammaít pannomnom uár, on tubutbêar on apiâ-ar; niseuâ eman Padre, niseuâ, niseuâ emat ammay, umdajolan pajôgôgosâ y Santa Marián Vírgen sinapat, y san Miguel archángel, y san Juan Bautista, si santosardarin apóstoles san Pedro, on san Pablo, y Santo Domingo, si santosardarin loman, on ysiá pay Padre; ta ypajôgôsâ ysiat Aputauar Dios. Amen Jesus.

Panguiranan si Pantutuyu.

Apù Jesu-Christo, Dios ya taju pay

tua, namalsa, on nannob ysaon, tutu-yuâ si pusuar di lom-anar casalatan ynappiâ, an ipangui-orojû ysian Dios û, an aruô, on pableô mu si lom-anar: Umdajolan manpingotâ si masde, an marri mos manpiruan mancasalatan; mu dâdanâ ysiat mablear Graciam; on manguitiangâ pay lan manguiaddauit lom-anar, an maraum manpacasalatan: on manping-otâ pat masde, an manconfesal, on manumpal si penitenciar, an peanur atdon di Padrear ysaon si casalana-ardarin ynapiâ man-oy si eajauar besan. Middauâ si patauar ysiâ, on ylaloä si masder pamatauar muar ysaon si ar yn-papajnan di ynarirdirilamar masantos, an ynpannob mu ysaon. Amen Jesus.

APTIOY A-NUNUAN

DI DASALAR YNIMMEAS.

LICION 1.

M. ¿Christiano á?

D. Ó Ama: christiano â si ar gògòs di Diosar ysaon.

M. Ngat atodájan si christiano?

D. Tajun nabautizoan, an manutua y Jesu-Christo man-oy si aralnar masantos, on mangunur paylat tongtong di Diosar, on tongtong di ynatauar Santa Iglesia.

M. Sirat Dios?

D. Osan Apun mebbes lan panunan magògòs, maamtá, manaraum si lom-an, on siat manangdan si mebbesardari, on manusat mardajardari.

M. Dat ittuan di Diosar?

D. Dioy sirri viopar, on tuoy si lom-anar; toy siar namalsat ganaganardari, manpauara yrira, mausajung, on manalinu yrira.

- M. Uara or si neapuan di Diosar?
D. Neir lan neapuana, toy sia bayao si neapuan di lom-anar.
M. Uara or si batang di Diosar si attu payla yritau?
D. Neir batangna.
M. Uarat matana?
D. Neirla.
M. Neir ylan matan di Diosar, tangat innunan manbatar si lom-anar.?
D. Esepnar.
M. Uara or si liman di Diosar?
D. Neirla.
M. Tangat innunan namalsat lomnar?
D. Panaraumnar.
M. Uara or si anguen di Diosar?
D. Neirla; toy uar anguear ot pinalsa, on uar Diosar, ot namalsa.
M. Ngan mos si ynnun di diosar mu neir batangna, on angue?
D. Uar Diosar, ot osan Espiritun mapasij.
M. Sinunuran Dios?
D. Osossea.
M. Sinunuran personas di Diosar?
D. Tiura.
M. Tangan di ngaron dar?
D. Uar maunar personas, ot maingara-

nan si Ama: uar aruanar, ot maingaranan si Anà; on uar atlunar personas ot maingaranan si Dios Espiritu Santo.

M. Uar Amar ot Dios tuan ngon?

D. O Ama.

M. Uar Espiritu Santoar ot Dios tuan ngon?

D. O Ama.

M. Tiuran Dios ór di tiuardarin personas?

D. Boon; toy ampaylamo nanbôhon di tiurdarin personas mu osossear ynarios dar.

M. Siran yriran tiun personas si mauna?

D. Neir lan mauna, on dauay irira; toy manisisurean tiun personas.

M. Ngat atodajan si personas?

D. Ar uarar si esep, on gaijaya.

LICION 2.

M. Siran yriran tiun personas si naapian taju, on nan-nob yritau?

D. Ar aruanar personas, an si Dios Anà.

M. Uar Diosar Ama, ot naapian taju payla?

- D. Marri.
- M. On uar Diosar Espíritu Santo, ot naapian taju?
- D. Marri; toy abus lar Diosar Anâ si naapian taju.
- M. Ngat ynnunan naapian tajur Diosar Anâ?
- D. Boon apian si leay; miu marrin abus apia, on panaraum di Diosar Espíritu Santo.
- M. Pingsanean nabus naapian tajur Anâ di Diosar, tangan di ngaronar?
- D. Si Jesu-Christo.
- M. Sirat Jesu-Christo?
- D. Anâ di Diosar Ama, on Anâ pay Santa Marían Vírgen, an Dios tua, on taju pay tua.
- M. Sirat Santa Marían Vírgen?
- D. Osan Señoran maliting lan panunan, an pinilin di Diosar si piynan di Anânar.

LICION 3.

- M. Tangat naapianan tajur Anâ di Diosar?
- D. Ta sonban ditau ysiat natayanar, ma-

santos, on manguitutturu yritaut deanar, an amoy si viopar.

M. Anianar ynpannobnar yritau?

D. Ynparirdirila, ynpapasaj si Cruzar, on natoy sirrit ynpanbayarnat casalanan di tajuar lom-an.

M. On tangan dien casalanan, an nannpardaj yritau?

D. Ar casalananar, an tinauir taut da-deetauardarin nauna Adan, on Eva, on casalanan tauardari payla.

M. Uat natayán di Aputauar Jesu-Christot Cruzar, natoy ngon si Ynariosnar?

D. Uar Aputauar Jesu-Christo, ot marrin natoy si Ynariosnar; toy uar Diosar ot marrin maraum matoy; mu toy taju payla, ot natoy; toy nisian di anguenar, si batangnar.

M. Pingsanean nisian di anguen Jesu-Christoar si batangnar? nibisa or yirran duar Ynariosnar?

D. Marri; toy uar Ynarios Jesu-Christoar, ot ynurianan sinapat tinayanan di anguenar, on batangnar.

M. On dat ynayan di anguenar, si nibisa-anat batangnar.

D. Ynmoy nanguisayat si anguen di san-

tosardarin damdamâ, an nansor ysiat di infiernosar naingararan si liang Abrahamar.

- M. Ngat ynnun di batang Jesu-Christoar si podaj di natayanar?
- D. Nilubû si ossan lubû an beu, an neir lan nilubûan si batang si taju.

LICION 4.

- M. Nan-narnar ór di batang di Aputauar Jesu-Christot deen eajao si lubunar?
- D. Marri ama; toy ua y Jesu-Christo, ot ynmulin mataju, on binmuttan magloriat lubunar si atlunar eajao si podajnan natoy.
- M. Sin-unun eajao si nittuan Jesu-Christot tu piôar si podajnan ynmulin mataju?
- D. Opat apiun eajao si nittuanat tu piôar on nanayang mos si viopar.
- M. Dat yttuan di Aputauar Jesu-Christo?
- D. Uar aputauar Jesu-Christo ot dioy sirri viopar man-oy si mablear Santísimo Sacramentot altarak: on aniana ylar aatajayanar, on panaraumnar si

viopar, ya atdi paylar panaraumnar,
on aatajayanar si mablear Sacramentot
altarar.

M. Umali ngon tat tu pioar di Aputa-
uar Jesu-Christo?

D. O Ama: umali tu piôar si yubot di
ejauar, on mangojom si ganaganan di
tajuardari.

LICION 5.

M. Siran di Espíritu Santoar?

D. Uar Espíritu Santoar, ot ar atlunar
personas di masantosar lan panunan
Trinidad, an meaput ynpansin-aruran
sin Ama, on Dios tuat atdir Amar,
on Anâ-ar.

M. Ngat atodajan si santa Iglesia ca-
thólica?

D. Atipujan di christianoardarin ma-
nutuat Diosar man-oy si santo Papar.

M. Siran di santo Papar?

D. Osan taju, an sanot di Aputauar
Jesu-Christot tu piôar, Yiun di santa
Iglesiar, on siat tonan únuron, on,
tutuon di christianoardarin loman.

M. Ngat atodajana rie: panynnanabang
di santosardari?

- D. Uar atodajanar ot ta uar lomanar-darin christiano, an neir casalanar dat ammay, ot manynnanabang dat apiar-darin mebbes, an appionda.

LICION 6.

- M. Ngat atodajana rie: pamatauarar si casalananardari?
- D. Uar atodajanar, ot ta uarat santa Iglesias si panaraumnan mamatauar si casalananardarin lom-an, on uatien panaraum ot ynator di Aputauar Jesu-Christot santa Iglesias si ar ammayar gôgôsna yritaun taju.
- M. Ngat atodajan si casalanar?
- D. Ar panlabanar si tongtong di Diosar si esepar, gajayar, bâbâ, ó apia.
- M. Tangat apion di casalanar ammay si anguear?
- D. Tiut appiona: uar maunar, ot anonan poddar Graciar si anguear: uar aruanar, ot pibuysuyenar anguear si Diosar: on uar atlunar, ot manpatodaj si anguear si infiernosar.
- M. Tangat pamatauar di santa Iglesias si casalanar ammay?

- D. Uar casalanar ammay, an ynappian di tajar si nanungnatay manbautizo, ot mapatauaran si Sacramenton di Bautismoar: mu uar casalanar ammay, an ynappian di tajar, an nabautizoan, ot mapatauaran si Sacramenton di Penitenciar, an panconfesalar.
- M. Sinunut tonan apion di tajar, ta mebbes di pancofesalar?
- D. Limara: uar maunar ot tonanan iji-rao nomnomon di casalananardarin lom-an: uar aruanar: ot tonana riran tutuyuan, on yoroj si masait si pusunar: uar atlunar: ot tonanan manping-ot si masde, ta urriana riran piruon: uar apatnar: ot tonanan yconfesal si padrear di casalananardarin lom-an si neir lan ysautna yrira: uar alimantar: ot tonanan sumpalon di penitenciar, ô peanurar, an atdon di parcar y sia.
- M. Mancasalan di tajar, an mangui-confesal si osan casalan ammay, an ynurianan ynappia?
- D. O Ama, mancasalan si ammay.
- M. Mancasalan di tajar, an mangui-

saut si osan casalanan ammay mibus si bainar?

D. O Ama, mancasalanan pat ammay; on uatien casalanan ot maingaranan si Sacrilegio.

M. On uar manguisautar si osan casalanan ammay, mapatauaran ór di urrumardarin casalanan, an inconfesalna?

D. Marriran mapatauaran.

M. Tangat tonan appion di nanguisautar si casalananar, ta mapatauaran di casalananardari?

D. Tonanan ybajat parear di ynpanguisautnar si casalananar, on atdi payla mu tangan dien casalanan, an ynsautna; on asana pay ipiruan yconfesal di casalanardarin urrum, an ynconfesalnát potónatdi, an nanguisautana: on mabus elatie, ya ynconfesalna mos di casalananardarin beu.

M. Mancasalanan ór di tajuar an manliuliuuan manumpal si peanurar, atdon di parear ysia.

D. O Ama: mancasalanan emat ammay, mu yrondonoynat ansan, on neir sangcanan matulir, di panumpalnar si peanurar.

- M. On alimbaua, ta neir arauman di tajuar manconfesal, mibus si neir miptô si padre, tangat tonanan appion, ta mapatauaran di casalananardari?
- D. Tonanan pajogôgôs, on mipatauar si Diosar; on mantutuyut masdet casalananardari; on uatien pantutuyu ot marrin mian-ôj, mu meapu lojom si tautnar si Diosar, on infiernosar; mu marrin mapelet, ta meaput arunar si Diosar, an catuliran pableon mu si lom-anar.

LICION 7.

- M. Ngat atodajan si Comunion?
- D. Ar pinabangar si mablear batang di Aputauar Jesu-Christo.
- M. Uar minabangar si batang di Aputauar Jesu-Christo, ot dauatana or paylar déanar masantos, man-oy si aguenar, on Ynariosnar?
- D. O Ama: dauatona eman dararien lom-an, toy dauatonat Jesu-Christon mabua.
- M. Ngat mabangon di minabangar?
- D. Mebbes ylar pinabangnar, ya deen tuat nabangona: uar maunar ot miossar Anguenar y Jesu-Christo: uar arua-

nar, ot mi-irum ysiar Graciar, an dinanat nat nancofesalana: uar atlunar, ot mailangan si soré si pamuor nat sojsoardari: on uar apatnar, ot matdan si osan señal, ó prendan di atajuanar, an neir tunana.

M. On sin-unut tonan di tajuar appion, ta mebbes di pandardaranar, an minabang?

D. Opat da: uar maunar, ot mapelet ta uar eajuar, an ajaijayanan pinabangan, ot neir poddan anona, on ynumonat mansunut gauan si labi, man-oy si marria mabus minabang: uar aruanar; ta varat nararan si Graciat anguenar: uar allunar, ta amtonar dioyar si mablear Hostias, an dauatona: on uar apatnar, ta gumutu minabang si ammain pilit, on asing-auan di pusuar.

M. On uar manatungardari, ot maraumba or minabang ampaylamo nanganda, ó nanynumda?

D. Maraumba eman, mu masait di panatungdar.

M. Anianar casalanan di tajuar, an gumûtû minabang si uarat casalananan ammay?

- D. Mangapiat osan Sacrilegio; an casalanan guet maram-ot.
- M. On nomnomon ylar tajuar, an maj-tupan mos minabang ta uarat tinamanat lojejomnean casalanan ammay si potô di nanconfesalanar, tangat tonanan appion?
- D. Tonana tay yconfesal di casalanar, an tinamana, on asana mos amoy minabang.
- M. Mu alimbaua, ta nomnomonar casalanar, an tinamana si dioy mos dumu-uj si lugárar, an panpinabangan di padrear, maraum or minabang si urriana tay yconfesal?
- D. Maraum eman minabang, ta marrin mabalao di arinar pinabang; mu mapelet bayao, ta tutuyuanan yoroj dien casalanan si ammain pantutuyu, on manpin-ot si nomnomnar, ta asanan yconfesal si padrear.
- M. Sirat mittut mablear Hostias on Calizar, mo ynabus mos diran quinon-sagran di padrear, an manmisa?
- D. Ar aputauar Jesu-Cristo, an Dios tua, on taju pay tuan matajo.
- M. Uaraór sirit tinapay, on alaj?

D. Neirla; 'toy uar lamós, ó substancian di tinapayar ot nanbaliu si mablear batang di Aputauar Jesu-Christo: on uar substancian di alajar ot nanbaliu si deanar masantos.

LICIÓN 8.

M. Ngat atodajana rie; yu-ulirar matajur batang di tajuardarin lom-an?

D. Uar atodajana, ot ta yubot ylar eajauar, ya uar anguen di tajuardarin lom-an, ot umuliran mi-ossat batangdardarin onang si ar panaraum di Diosar, ta ojomon di Aputauar Jesu-Christo rira.

M. Nabus da ela mos ynmulin matajur tajuardarin lom-an, on ynojom di Aputauar Jesu-Christo rira, ya matoyra ngon payla?

D. Marrira mos manpiruan matoy.

M. On dat-ayan di tajuardari, mu nabus di pangojomar yubot?

D. Uar anguen di tajuardarin mebbes, man-oy si batangdar, ot amoy rat vopar, ta minabang dat dit gloriar neir tunana: mu ua bayao ri mardajarda-

rin taju, ot amoy rat infernosar; on uar anguerar, on batangdar, ot marirdirilarat dit marrin minûnû sait si man-oy lan man-oy.

LICION 9.

M. Sinunut anguen di tajuar?

D. Ossea.

M. Matoy ylar tajuar, matoy paylar anguenar?

D. Marrin matoy, toy mataju en sinapat.

M. Dat ayan di anguear mu matoy ri tajuar?

D. Uar anguen di tajuar, an matoy si neir casalanana, ot tanungnean amoy si viopar: mu uara ylat bayarana tat peanur di casalananardari, ya amoy tat Purgatorioar: on matoy ylar tajuar si uarat casalanan ammay an ynurrianan tinutuyuan si mebbes, ya uar anguenar ot mantanung amoy infernosar.

M. Ngat atodajan si Gloria?

D. Pibatarar si Diosar, on pinabangar ysian sinapat.

M. Ngat atodajan si Purgatorio?

D. Ossan lugar, napnut apuy, an pan-bayaran di anguen di tajuardarin mebbes si peanur di casalanandardari, an ynurrian dan binayaran si matajura tat tu pioar.

M. Ngat atodájan si infiernos?

D. Ossan liang anmay napnut apuy, on lom-anardarin sait, an panparirdi-rilan di Diosar si tajuardarin mardaj, an natoy si boon bipajuar ynpantutuyurar si casalanandardari.

M. Simunurat tonan di tajuar appion ta maraun amoy si viopar?

D. Duara: uar ossar, ot tonanan tutuon si masder lom-anar, an patutuan di ynatauar Santa Iglesiat cristianoardari: on uar ossar, ot tonanan unuron, on sumpalon di tongtong di Diosar, on tongtong di ynatauar Santa Iglesia.

ANDUOY ANUNUAN

DI DASALAR INIMMEAS.

LICION 1.

- M. Tangan par señal di christianoar?
 D. Uar señal di christianoar, ot ar santa cruzar; toy siat nipasajan di Aputauar Jesu-Christon nannob yritau.
- M. Mansinunur pancruzar, an tonan di christianoar apion?
 D. Nanaruar pancruzar: uar ossar ot maingaranan Signar, on uar ossar ot maingaranan si Santiguar.
- M. Anianar pancruzar, an maingaranan si Signar?
 D. Uar innunar, ot maapiat tiun cruz si amaman di uauanar: uar maunar cruz ot maapiat tûtûar: uar aruanar si taoar, on uar atlunar si pajauar.
- M. Yrunan mur aldiar pancruz, an Signar?
 D. Apu min Dios ☩ ybaliu raami ysiat

eom miardari ✠ si ar señal ✠ di santa cruzar.

M. Anianar pancruzar, an maingaranan si Santiguar?

D. Uar ynnunar, ot maapiat ossan Cruz anduoy mansunut tûtûar, an amoy si lajangan, on mansunut abear yjir, an amoy si abear uauan, an mangatdi: Si ngaron di Amar, ✠ on Anâar, on Espíritu Santoar. Amen Jesus.

M. Tangan dien sangcan di atdiar pancruz, an santiguar?

D. Uar sangcanar; toy uar atdiar pancruz, ot sarit alimbaua si duan misterion addeum lan panunan, an misterion di Santíssimar Trinidad, on misterion di tinajuan di Anâ di Diosar: on ijalangtau raratien duan misterio, mu atdion taun mancruz, an man Santiguar.

M. Onat mebbes si pancrusantau?

D. Mu tumeuetaut beoyar: mu lumooob taut simbaanar: mu mangantau, on amoy taun manyatu: mu uarat lapuon taut lojejomnean apian mebbes: on uarat yajetaut mardaj.

LICION 2.

- M. Sirat namalsat tajoar?
- D. Aputauar Dios; toy siat namalsat lom-ar.
- M. Tangat namalsan di Diosar si tajoar?
- D. Ta mansuyu ysiat atajuanar tie, on asanan minabang ysiat viopar.
- M. Tangan die maunar, an pansuyu taut Diosar?
- D. Ar Panutuar, Pansorar, on Pangaruar.
- M. Ngat atodajan si Panutua?
- D. Uar Panutuar, ot ossan virtud mable lan panunan, an ylang di Diosar si anguetauar; ta tutuontauar lom-anar, an ynmutayaj na, on yntuturun di ynatauar Santa Iglesia yritau.
- M. Ngat atodajan di anan dar: panutuan mataju?
- D. Uar atodajanar di Panutuar mataju, ot ar Panutuar, an mitain si Caridadar, an aruar si Diosar on ysuar taju.
- M. Siran di tajuar an uarat Panutuan mataju?

- D. Ar christianoar, an neir casalananat ammay.
- M. Ngat atodajan di anan dar panutuan natoy?
- D. Uar atodajanar, ot Panutuar, an marrin mitain si Caridadar, ó aruar si Diosar, on ysuar taju: on uatien Panutuan natoy, ot dioy si christianoar, an uarat casalanat ammay; mu tutuyuana ylat mebbes di casalanat, ya amung umulin matajur Panutuanar.
- M. Maraum òr' dumapus si viopar di tajuar, an nateuan mos si ysip, an neir panutuanat Diosar?
- D. Marri; on marri pay maraum dumapus si viopar di tajuar, an marrin umam tat misterios di Panutuar.
- M. Ngan pan dararien misterio, an tonan di christianoar amton?
- D. Ar nilamosardarit Manutuar, on articulosardari.
- M. Anojna or, mu amtona èn lojom memorion di Manutuar, on Articulosar?
- D. Marri: toy tonana pay amton di atodajan dar.
- M. Ngat atodajan di Manutuar?

D. Uar atodajanar, ot ossan bojtoy di dasalar, an alipujan di manardarin misterios, on artículos di panutuatauar masantos.

M. Sirat nangapiat Manutuar?

D. Ynapian di Apóstolesardari si nanungda tay nanbibisâ, an ynmoy nanguinsersermon si Evangelioar si Mundoar lom-an.

M. Tangan die sangcan dar nangapiat Manutuar?

D. Ta sarrit panaralan taut malipatut artículosardari, on misterios, an tona taun tutuon.

LICION 3.

M. Tangan die maunar artículos di Manutuar?

D. Uar manunar artículos ot satie: Manutuâ si Diosar Aman manaraum si loman, namalsat viopar, on pioar.

M. Tangat tutuom, mu atdiom: Manutuâ si Diosar?

D. Uar tutuôar, ot ta boon deeran Dios, mu marrin osossea.

M. Tangat atodajana tien bilbil: Dios?

- D. Uar atodajanar, ot ossan Beás atdin meble, ya marrin maraum maesep, on manûnû.
- M. Uara or si batang di Diosar si attu payla yritau?
- D. Neir batangna; toy mapasij en espíritu.
- M. Uarat matana?
- D. Neir la; toy mapasij en espíritu.
- M. Neir elan matana; tangat panbatar-nat lom-anar?
- D. Bataronar lom-anar si esepnar marios.
- M. Uarat liman di Diosar?
- D. Neir pay limana; toy mapasijen espíritu.
- M. Tangat inpamalsanat mundoar, mu neir limana?
- D. Uar inpamalsanar si mundoar, ot ar panaraumnar marios.
- M. Uarat anguen di Diosar?
- D. Neir la; toy uar anguear ot napalsa on uar Diosar, ot siar namalsar.
- M. Neir ilan batang di Diosar, on neir ila pay angue ysia,, ya sirat Dios?
- D. Uar Diosar ot ossan Espíritun mapasij, mebbes, on maamtat neir ysuna:

manaraum si lom-an: eapuan, on arapusan di lom-anardari, on siat manangdan si mebbesardari, on manusa bayao si mardajardari.

M. Sinunut ynauaran di Diosar?

D. Osossear Inauaranar, an Inariosuar onang.

M. Sinunut esep di Diosar?

D. Ossosea.

M. Sinunut gaijayana?

D. Ossosea payla.

M. Sinunut nomnomna, ó memoriana?

D. Neir nomnomna, ó memoriana.

M. Anam atdion, ta neir nomnom, ó memorian di Diosar?

D. Toy uar nomnomar, ó memoria, ot mapelet lojom si pannomnomar si linmausardari: neir lan lumaus si esep di Diosar; toy dioy sinapat lan sinapat mandirisan manbatar si lom-anardari, an linmaus; si atdi paylar lom-anar, an uarar besan, on lom-anar, an manaraum dumatong: undajolan neir eman memoriana.

M. Sinunut Personas si uarat Diosar?

D. Uar Diosar, ó Santísimar Trinidad : ot uarat tiun Personas.

M. Yngaranam dira?

D. Uar maunar Personas, ot maingaran si Ama; uar aruanar, Anâ, on uar attunar, Espiritu Santo.

M. Uar Amar ot Dios tua ngon?

D. O Ama.

M. Uar Anâar ot Dios tua ngon?

D. O Ama.

M. Uar Espiritu Santoar ot Dios tua ngon?

D. O Ama.

M. Tiuran Dios ngon di Amar, Anâar, on Espiritu Santoar?

D. Boon: ampaylamo tiuran personas nanbôbôn di Diosar Ama, Diosar Anâ on Diosar Espiritu Santo, mu ossosear yuauararar, o Ynariosdar.

M. Anam atdion: ta nanbob-on di tiuardarin personas?

D. Nanbob-onda eman; toy uar ossar personas, ot boon ossar.

M. Nannu? boon sapaylarir personas di Amar, ot personas di Anâar?

D. Boon; toy ossa par personas di Amar, ossa par personas di Anâar, on atdi payla, ossa par personas di Espiritu Santoar.

M. On uar Ynarios di Amar, ot Ynarios ngon di Anâar?

D. On Ama.

M. On uar Ynarios di Espíritu Santoar, ot Ynarios ngon di Amar on Anâar?

D. O Ama: toy osossear esepar, gaijayar, on Ynarios di tiuardarin personas.

M. Tangat panguialimbauam ta uar Diosar, uean uara ysiat tiun Personas, ya ossosea bayao di ynauarânar, ó Ynariosnar?

D. Angue tauar si panguialimbaua si-tie; toy uar anguear, ot uarat tiun panaraumna, an esepar, nomnom, on gaijaya, on uean ossosea.

M. Anam ynali: ta uar maunar personas, ot maingaranan si Ama?

D. Ynatdi eman, ta maingaranan si Ama; toy uarat ossan Anâna, an aruanar Personas.

M. On sirat eapuan di Diosar Ama?

D. Neirlan eapuana; toy sia bayao si eapuan di lom-anar.

M. Sirat eapuan di Anâar?

D. Amar si eapuana.

M. On uar Espíritu Santoar, sirat eapuana?

D. Meaput Amar, on Anâar.

M. On tangan die, an eapuan di Anâar si Amar?

D. Uarie, an eapuan di Anâar si Amar, ot ar esepcar.

M. Ybulijas mur innun di Anâar, an meaput Amar?

D. Dioy ri Diosar Aman manbatar si Ynariosnar si amung manbatar si osan espejon maliting si neir ysuna: on uar naapiar si ynpanbatarnat Ynariosnar, ot ossan Ymmasen aysunat lom-anar, on ynpibiangna ysiar ynauaranar onang, o ynariosnar onang.

M. On tangan die, an eapuan di Espí-ritu Santoar si Amar, on Anâar?

D. Uarie, an eapuan di Espíritu Santoar yriran sin Ama, ot ar gaijayar.

M. Ybulijas mur ynnun di Espíritu Santoar, an neapu yriran sin Ama?

D. Nansinarur Amar, on Anâar: on uarie, an neaput inpansinarurar sin Ama, ot siar Espíritu Santoar, an Dios tuan anúr si atdi paylar Amar, on Anâar.

M. Meapu ylar Anâar si Amar, ya mau-nar Amar mu Anâar: on atdi paila

maunar Amar, on Anaar, mu Espiritu Santoar?

D. Boon Ama; toy neir lan maraun maingaranan si mauna, on dauay yiriran tiun personas.

M. Uara ot panguialimbauam sitie?

D. Ejauar, si panguialimbaua: toy uar sonear ot meaput ejauar on uar soncar, on ejauar ot dirat capuan di matungar: on ampaylamo atdi, ya uar eja-u-ar, ot boon mauna, mu soncar: on atdi payla, uar ejauar, on sonear, ot boon maunara mu matungar, an meapuyira.

M. Boon ylan maunar ossar personas mu ossar, ya anam atdion, ta uar Amar, ot maunar personas; uar Anaar ot aruanar personas; on uar Espiritu Santoar, ot atlunar personas?

D. Uatie ot meaput panguiyapar yiriran tiun personas.

M. Ngat atodajan di saratien bibil: *Manaraum si lom-an?*

D. Ta uar maunar personas, an Amar, ot maraun mangapiat lom-anar si neir lan sulitna.

M. Boon or manaraum si lom-an di Ana-

ar, on Espíritu Santoar? Tangat parring abus di Amar si maingaranan si manaraum si lom-an, *si manutuar?*

D. Ampaylamo manaraum si lom-an di Anâar, on Espíritu Santoar; mu toy uar panaraumar ot mitnat Amar, um-dajolan satut sangcanan maingaranan si manaraum si lom-an.

M. Uar Amar, ot namalsa ngon?

D. O Ama.

M. Namalsa òr di Anâar?

D. O Ama.

M. On uar Espíritu Santoar ot namalsa pay la?

D. O Ama.

M. Tiura or si namalsa?

D. Boon: toy ossosear panaraum di tiuardarin personas, ossosea par ynaamtatarar; toy ossosear ynariosdar.

M. Tangat parring abus di Amar si maingaranan si namalsa, *si manutuar?*

D. Toy uar pamalsar ot apian si panaraum, on uar panaraumar, ot mitnat Amar.

M. Pinalsan òr di Diosar di ganagardari.

D. O Ama.

M. Tangat parring atdion di manutuar,
ta *namalsat viopar*, on *pioar*, on ur-
riana bayao atdion, ta *namalsat gana-*
ganardari?

D. Toy uar *viopar*, on *pioar* ot labu-
tan dar *urumardarin pinalsa*.

M. Sirat *pinalsan* di Diosar *sirri vio-*
par?

D. Ar *ángelesardari*.

M. Ngat atodajan si *ángeles*?

D. *Pinalsan maespíritu*.

M. Uara ór si batangda?

D. Neir Ama.

M. Uara òr si anguera?

D. Neirla; toy uar *anguear*, ot *napalsa*,
ta *miossan manpatajut batangar*; on
uar *angelesardari*, ot *neir batangda*.

M. Tangat *namalsan* di Diosar si *án-*
gelesardari?

D. Ta *mansuyuran manguirayao ysia*,
on *ytordonat opung* di *tajuar* si *ossan*
ángeles, an *manbantay yrira*.

M. Sirat *namalsat diabloar*?

D. Diosar si *nalmalsat ysiat ángeles*, on
sia mos si *ynmapiat diablo*s, *nibus* si
aatajayan di *nomnomnar*.

M. Tangan dararien *pinalsan* di Dio-

sar situ piôar?

D. Ar dotardari, mantaytayabardari, on urrumardarin pinalsa.

M. Pinalsana par tajuar?

D. Pinalsa na eman si aymasena.

M. Anianar ynpamalsan di Diosar si tajuar?

D. Ynapianat ossan batang si uriti si piô, pinalsanat ossan angue, an in-piossanat dien batang, on naapia mos di tajuar.

M. Uara ór si pinalsan di diabloar?

D. Neirla.

M. On siran mos si namalsat yrauar-dari gayamanardari, on urrumar bijis?

D. Ar aputauar Dios.

M. Nannú? Pinalsan par Diosar di mardajardari?

D. Neir Ama: uar yrauar, on urrumardarin bijis ot boon dan mardaj; toy uar pan-ynbob-on di pinalsardari, ot saemandit mangator si beás si mundoar.

M. Uara ór si urrum sangcan di Diosar namalsa yrira?

D. O Ama: uar ossar sangcan, an namalsana yrira, ot ta manservirat ta-

pal di batangar, on lalo tay ri anguear; toy bataron ylar tajuar dara-rien bijis atdin matautan, ya tumaut otia pat casalanamar, an lalon matautan mu dira.

M. Dat yttuan di Diosar?

D. Dioy si viopar, situ piôar, on lugarardarin lom-an.

M. Dat nittuan di Diosar si nanung di inpamalsanar si viopar, on piôar?

D. Nittu ysian onang, si neir lan pelétonat pinalsardari.

M. Dioy pay lar Diosar si danumar on apuyar?

D. Dioy eman.

M. At di ela ya mâpot, on maggob?

D. Marri Ama; toy uar Diosar ot mapasij Espíritu, an marrin maraum mangumat sait.

M. Ybulijas mu tiet ossan alimbaua?

D. At dir eajauar, ó sonear, ot marrin maggob, on mâpot, mu amoy minat danumar, ó apuyar, at di pay lar Apu-tauar Dios.

M. Ngat innun di Diosar mittut gaganardari?

D. Mittut lom-anardari si panpauaranar

yrira, panalinúnar, on pansajung na yrira; on atdi pay la; toy daumonán apion di lom-anar, on paneiron di nirunanardarin naapia.

- M. Ngat innun di auarán di Diosar si anguen di tajuardarin mebbes, on anguen di mapcarardarit viopar?
- D. Mittut anguen di tajuardarin mebbes si ar graciár, on mittut anguen di yviopardarit ar gloriár.

LICION 4.

- M. Ngat tona taun tutuon, mu atdion tau: *Manutuâ pat Anânar tanir si Jesu-Christon Aputau?*
- D. Uar tutuon tauar, ot ta ua y Jesu-Christo ot Dios tua, on siar aruanar personas di Santísimar Trinidad.
- M. Sirat Jesu-Christo?
- D. Anâ di Diosar Ama, an naapian tajut malitingar lan panunan putún di Virgenar María.
- M. Ananan maingaranan si Anâ tanir?
- D. Toy uar Diosar Ama, ot neir urrum si Anâna.
- M. Nannú? Boon or Anâ di Diosar di

tajuardarin mebbes?

D. Uar tajuardarin mebbes, ot boon dan Anâ di Diosar si anur; mu mar-rin Anâ an tinanuran di Diosar.

M. On ua y Jesu-Christo, ot miysu nğon si lom-anar si Diosar Ama?

D. Ua y Jesu-Christo, ot tonan ylar ynariosnar, ot miysu emat anur si Diosar Ama; mu tonan yla bayao di batangnar, on anguear, ya mib-on si anur ysia.

LICION 5.

M. Ngat tona taun tutuon, mu atdion tau: *Nisisipet apian di Diosar Espiritu Santo?*

D. Uar tutuon tauar, ot ta uar aruanar personas, an si Dios Anâ, ot yneanan ynpioassa ysian onang si ossan batang, on angue.

M. Sinunut ynauaràn di Aputauar Jesu-Christo?

D. Duara: uar ossar ynauarana, an ynariosnar, ot meaput Amanar Dios; on uar ossar, an ynauaran si taju, ot neaput ynanar Santa Marían Virgen.

- M. Uat naapianan tajur Anâ di Diosar,
ot nibisâ ór si Amanar Dios?
- D. Marri Ama; toy marriran maraum
manbibisâ di tiuardarin personas; toy
ossosear ynariosdar.
- M. Uatoy mariran manbibisâ di tiuar-
darin personas, naapian taju ór di Dio-
sar Ama, on Diosar Espíritu Santo?
- D. Marri Ama; abus lar Diosar Anâ si
naapian taju.
- M. Nibiang ór di Diosar Ama si tinajuan
di Anâ di Diosar?
- D. Nibiang eman.
- M. Nibiang di Diosar Anâ?
- D. O Ama.
- M. Nibiang paylar Diosar Espíritu Santo?
- D. O Ama.
- M. On tangat parring; toy abus lar
Diosar Anâ si naapian taju?
- D. Toy abus lar Diosar Anâ si nanpiossa
ysiat dien angue, on batang.
- M. On uatoy nibiang di tiuardarin per-
sonas si tinajuan di Anâ di Diosar; tan-
gat parring atdion tau: ta naapian tajur
Anâ di Diosar si apia, on panaraum
di Diosar Espíritu Santo?
- D. Toy uar tinajuan di Anâ di Diosar,

ot apian si aru; on uar apiardari, an meaput arun di Diosar si tajuar, ot mitnarat Espíritu Santoar.

M. Maraum ór maingarauan di Espíritu Santoar si Aman di Aputauar Jesu-Christo?

D. Marri; toy uar batang Jesu-Christoar ot boon nibus si deum nar.

M. On uar Virgenar María, ot ynan anur di Aputauar Jesu-Christo?

D. O Ama: ynana emat anur; toy uar batang di Aputauar Jesu-Christo, ot nibus si deumnar; toy naapiat deanar onang; on atdi yla ya, uar Aputauar Jesu-Christo, ot neir Amanat tinajuana; mu uara bayao si ynana: mu tonan ylar ynariosnar, ya neir ynana; mu uara bayao si Amana, an si Dios Ama.

M. Tangat ynnun di tinajuan di Anâ di Diosar?

D. Satur ynnunar: Nanguear Diosar si urrití si dean di malitingar lan panunan Virgen María, on ynapianat ossan batang: namalsa pay lat ossan angue, an niossat dien batang; on uatien angue, on batang, ot niossara pay lat aruanar personas, an Diosar Anâ:

on uamosdi ot uar Diosar Anà, an Dios bulij si beanar, ot taju mos anur si nansunut tinajuana; on sia mos si Jesu-Christo Dios tua, on taju pay tua.

M. Sinunut tiempot naapian di satien apian mable?

D. Marrin nasindiatan.

M. Ngat tutuon tau, mu anantau: *ynanà Santa Marian Virgen?*

D. Uar tutuon tauar, ot ta pingsanean nilaus si siam buen si nansunut nansisipean di Virgenar María ya nitaju mos di Anànar, an si Jesu-Christon Dios tua, on taju pay tua.

M. On ngan dien nib-onan di ynpananà di Virgenar María si pananà di urrumardarin babay?

D. Toy ua y Santa María, ot nananà si neirlan saitna, on marri pay naorodajan di ynnavirgenar. Umdajolan atdiontau: ta ua y Santa María ot Virgen si nanung di ynpananànar: Virgen si pajauan di ynpananànar; Virgen si naabusan nananàan: on Virgen pay lan sinapat.

LICION 6.

M. Tangat tona taun tutuon, mu at-diontau: *Ynparidirilan di Ojemar Pontio Pilato, nipasaj si Cruzar, natoy, on nilubû?*

D. Uar tutuon tauar, ot ta uar Aputauar Jesu-Christo ot nangueumán ynparidirilat batangnar, on anguenar, on ta natoy ri batangnar masantos, on nilubû payla.

M. Uatoy Dios si Jesu-Christo, ot dinmaun or natoy?

D. Ua y Jesu-Christo, ot marrin dinmaum natoy, on ynparidirilat ynarios nar; on abus di batangnar si natoy.

M. Tangan dien patoy yntipen Jesu-Christo?

D. Natoy si ossan Cruz, si podajnan nabungbung, nacoronan si subit, on namorat ammay.

M. Sirat natayan Jesu-Christo?

D. Natoy si ar abbesan di tajuardarin dojap. Neirlan tajut ynurrianan sinomban, on ynbayaran si casalananardari, on neirlan marrin maraum amoy si

viopar si asdean di déanar mable lan panunan.

M. Natoy ylat Jesu-Christo si ar abbesan di tajuardarin dojap: ya tangat parring mainfiernos si atdin deen taju?

D. Toy urriandan anamutanan di ynpapajnan Jesu-Christoar si apiardarin mebbes, an meuuyan si ylang di graciar.

M. Siran dien gobernador, an nangojom nanpapatoy y Jesu-Christo?

D. Si Poncio Pilato, si nangobernador si potonat dit Provinciar Judea. Mu ampailamo siat nanpapatoy y Jesu-Christo; mu ua ysia ot nanguemán ynmengtregat patoyar, nibus si ynpangunurnar si tujun di Amanar Dios, on nibus si panguirunanar si asnobán tauar.

M. Ngan dien esepom, mu atdiom, ta natoy si Jesu-Christo?

D. Uar esepôar, ot ta nisian di anguenar si batangnar; mu ua bayao ri ynariosnar, ot marrin nibisa yriran dua.

M. Ngan dien ynapian di anguen Jesu-Christoar si nibisaanat batangnar?

D. Linmasun si infiernosar, an maingaranan si liang Abraham, on insayat-

nat dir anguen di sasantosardarin dam-damá, an nansor ysia, on ynauitna rirrat viopar.

M. Ngat ynnun di batang Jesu-Christoar si pòdaj di natayanar?

D. Nilubû si ammain apurian, on galang.

M. Nannarnar ôr di batang di Aputauar Jesu-Christot deen eajao sirri lubûnar?

D. Marri: toy ua y Jesu-Christo, ot ynmulin matajot panaraumnar la, on binmuttat magloriat lubûnar si atlunar eajao si pòdajnan natoy.

M. On pingsanean ynmulin matajut Jesu-Christo, ya sinunun eajao si nittuanat tu piôar?

D. Opat apiun eajao; on ua rararien eajao an nittuanat tu piôar, ot nannabatar si majajot si discípulosnadarit ynpanpaattutuana yrirat ynulianar mataju, on nangator yrirat lom-anardarin tujun, an mapelet yrira.

M. Ngan dien ynapien Jesu-Christot nanjanapan di sararien opat apiun eajao?

D. Nanayang si viopar si apatnar piun eajao si sajungon di discípulosnadari; on dioy sirrin manmeong si uuanon

di Isar Aman manaraum si loman.

M. Nan dien esepom, mu atdiom, ta ua, / Jesu-Christo, ot manmeong si uauon di Diosar Ama?

D. Ur esepòar, ot ta ua y Jesu-Christo ot niysut di viopar si Amanar Dios si nariosnar: on tonan ylar angue-na on batangnar, ot manalongaring si binalsardarin lom-an.

LICION 7.

M. Ngat tona taun tutuon, mu atdion-ta: *Mibus sirri umulit tun mangojom si matajuardari, on natoy?*

D. Uar tutuon tauar: ot ta yubot ylar ejauar ya uar Aputauar Jesu-Christo, a mibus si viopar, umalit tu piòar, a mangojom si matajuardari, an tajuardarin mebbes; on natoyardari, an tajuardarin mardaj.

M. Uatoy ojomon di Aputauar Jesu-Christo di anguear si apatpatoy ri tajuar; tangat parring piruonan ojomon di tajuar lom-an si yubot di ejauar?

D. Uar maunar sangcana, ot ta mib-tao si tajuardarin lom-an di catuliran

di Diosar si panangdanar si iguear-dari, on batang di mebbesarari; on panusinar bayao si anguearari, on batang di mardajardari: on aruna pay, ta mibtao di gloriar, on gang-di Aputauar Jesu-Christo.

M. Tangat tona taun tutuon, u at-dion tau: *Tutuó par Santa Iglesia Catholica?*

D. Uar tutuon tauar, ot ta uar Igle-siar, an atipujan di christianoadarin lom-an, ot ossosea, masantos, Apostó-lica, on Cathólica.

M. Tangat parring atdiom, ta ossosear Iglesias?

D. Toy ossosear Diosar, an tutuon di christianoardari: mangunur dan lom-an si ossan yiu, an si Jesu-Christo, na-noy si sanot uar situ piôar, an maan-tosar Papa: diran lom-an manutuatos-san panutua, on ossan pansor; on mi-biangdan lom-an, on minabang si sa-paylararin Sacramento.

M. Ossosea ylar Santa Iglesias, tangat parring atdionda, ta uarat Iglesia mi-litante, Iglesiasian purgante, on Iglesiasian triunfante?

D. Ua raratie, ot boon tiuran Iglesia; nu marrin tiuran bojtoy di sapaylarin Iglesia, an ossosea.

M. Ngat atodajan si Iglesian militante?

D. Atipujan di christianoardarin matajura tat tu piôar.

M. Tangat parring maingaranan si militante?

D. Toy uar atongalanar, ot ar pibeenar si diabloar, mundoar, on batangar.

M. Ngat atodajan si Iglesian purgante?

D. Atipujan di angueardarit purgatorioar.

M. Tangat parring maingaranan si purgante?

D. Toy dioy ran pajugul, on paliting, si Purgatorioar, si diar, an nibus si casalanan dardari.

M. Ngat atodajan si Iglesian triumfante?

D. Atipujan di matulirardari, on sasantos miarit viopar; toy ua yrira ot nangamis da mos si diabloar, mundoar, on batangar.

M. Tangat parring maingaranan si masantos di Iglesiar?

D. Toy masantos di yiunar, masantos di Sacramentosnardari, masantos di aral-

nar: on uar ossar pay, ot toy deeran santos, an matajut tu piôar, an aren di Santa Iglesias.

M. Tangat parring maingaranan di Iglesias si Apostólica?

D. Toy uar apóstolesardari; ot dirat nanopatój si Iglesias si panaraumar, an ynator Jesu-Christo yrira.

M. Tangat parring maingaranan di Iglesias si Cathólica?

D. Toy manyuajsa di aren di Iglesias si mundoar lom-an.

LICION 8.

M. Tangat tutuon tau, mu atdiontau: *Panynnanabang di Sasantosardari?*

D. Uar tutuon tauar, ot ta uar christianoardari ot maninnanabangdat panalanguen dardari, on apiarardarin mebbes.

M. Manysisu ôr di pannabang di christianoardarin lom-an si apiarardarin mebbes?

D. Mannabang di sinossar yirrat atdir ojòr di caridadar, ó aruar si Diosar, an uara yrira: uar uarardarit deen

caridad, ot dirat mannabang si dee, mu si neirardarin deet Caridad.

M. Tangat tutuon tau, mu atdiontau: *Pamatauarar si Casalananardari?*

D. Uar tutuon tauar; ot ta uar Aputauar Jesu-Christo, ot siat nangator si Santa Iglesias si panaraumnan mamatauar si casalananardarin lom-an.

M. Ngat atodajan si casalanan?

D. Ar panlabanar si tongtong di Diosar si esepar, gayjayar, bâbâ, ó apia.

M. Nansinunur casalananar?

D. Nanarua; uar ossar ot maingaranan si casalanan original: on uar ossar, ot maingaranan si casalanan personal.

M. Ngat atodajan si casalanan original?

D. Ar casalananar, an tinauir taut da-dee tauardarin nauna; an Adan, on Eva.

M. Tangat pamatauar di Santa Iglesias si casalananar original, an tinauir?

D. Ar Sacramenton di Bautismoar.

M. Ngat atodajan si casalanan personal?

D. Ar casalananar, an onangon di tajuwar apion.

M. Nansinunur casalananar personal, an onangon di tajuwar apion?

D. Duara: uar ossar ot maingaranan si casalanan man-oj: on uar ossar ot maingaranan si casalanan ammay.

M. Tangat apion di casalanar man-oj si anguear?

D. Manga-an si graciad, on caridadar; mu marri bayao mamatoy si anguear.

M. Tangat apion di casalanar ammay si anguear?

D. Tiurat apiona: uar maunar, ot ánonan poddar graciad si anguear: uar aruanar ot pibaysuyenar anguear si Diosar: on uar atlunar, ot manpatò-daj si anguear si infiernosar.

M. Ngat pamatauar di Santa Iglesias si casalanar man-òj?

D. Ar pituardarin Sacramentos, on ar siamardarin Sacramentales.

M. Tangat pamatauar di Santa Iglesias si casalanar ammay:

D. Uar casalanar ammay, an ynapián di tajar si nanungna tay manbautizo, ot mapatuaran si Sacramenton di Bautismoar: mu uar casalanar ammay, an ynapián di tajar, an nabautizoan, ot mapatuaran si Sacramenton di penitenciar an panconfesalar.

M. Uara òr si casalanar, an neir aulina?

D. Neirla; toy ampalaymo tangat aam-
mayan di casalanar, ya lalotar aam-
mayanar, on ablean di ynpapajnan Je-
su-Christoar.



A-NUNUAN DI TONGTONG

DI DIOSAR.

LICION 1.

- M. Sinnunut tongtong di Diosar?
D. *Sinpiura.*
M. Tangan die maunar tongtong.
D. *Aruom di Diosar mu si lom-anar.*
M. Tangan die mitongtongar sitien tongtong?
D. Ar panutuar si Diosar, pansonrar ysia, pangaruar ysia mu si lom-anar, on panguigalangar ysia.
M. Siran die mangaruar si Diosar mu si lom-anar?
D. Ar manpablear si Diosar mu si bandiar, galangar, on atajuanar; on manpingot si nomnomnar an manguioroj siratien lom-an, mu mapelet; ta urrianan yorojan di Diosar.
M. Sirat mancasalanan sitie maunar tongtong?

D. Ar manbuniar, mapanbuniar, pabuniar, on mibuniar; ar manutuar si ynop, on lojejomnean paniauon si buccalot: ar manguiriar, on mandurduruar si tonan di panutuar; on man-oy si marriar mansor si gôgôs di Diosar.

LICION 2.

M. Tangan die aruanar tongtong di Diosar?

D. *Urriam ypajubem ysumpar ngaron di Diosar.*

M. Ngat atodajan si sumpa?

D. Uar atodajanar, ot ar panguitasin di tajar si ngaron di Diosar si bâbâar, ó sipanar, an ajaijayanan tuapanon.

M. Sirat mancasalanan sitien tongtong?

D. Ar mansumpar si boon tua, boon catuliran, on boon pay apeletan.

M. Anianar casalanan di mansumpar si boon tua?

D. Casalanan manpapatoy, mu amtana, ta burruy di ysumpanar.

M. Casalanan ngon di mansumpar, mu mandurdurua, mu tua, ó boon tuar ysumpanar?

D. O Ama, casalananan manpapatoy; toy miajet mansumpat boon tua.

M. Sirat mansumpat boon catuliran?

D. Ar mansumpar mangapiat lojejomnean mardaj, an cumontrat tongtong di Diosar, on tongtong di ynatauar Santa Iglesia.

M. Anianar casalananan di mangatdiar?

D. Ansan ylan mardaj di ysumpanar ya ammaid casalananan; mu mardaj yla lojom si urriti ya casalananan pat urriti.

M. Uar mansumpar mangapiat lojejomnean mardaj, tonana ór yrunan?

D. Boon Ama: tutuyuana bayao di ysumpanar; toy boon catuliran, ta yrunana.

M. Uar mansumpar si tua, on catuliran, mu neir bayao apeletanan mansumpa; anianar casalananan?

D. Casalananan urriti; toy urriti pay lar arrinar panguigalang si Diosar.

M. Casalananan ór di manguisumpar si mableardarin pinalsan di Diosar?

D. O Ama casalananan eman, toy uar manguisumpar si pinalsardarin mable, ot ysumpanar Diosar namalsa yrira.

- M. Uara ór tat urrum, an mancasalanan sitien tongtong di Diosar?
- D. O Ama: ar manpasumpar si ysunar taju, on uar marriar, pay mangunur si ynsipantar si Diosar.

LICION 3.

- M. Tangan die atlunar tongtong di Diosar?
- D. *Manpaniao at Simbardari, on fiesta.*
- M. Tangat mitongtong yritaut tien tongtong?
- D. Ar panguigalangar si Domingoardari, on fiesta, on arri tauar pantrabajot masait siratien eajao masantos.
- M. Anianar panguigalang tauar si Domingoardari, on fiesta?
- D. Ar pimisar, pisermonar, pilibutar, pivesperasar, pisalvear paubasabasar si libron mebbes panalanguenar, on panguirananar si apiardarin gôgôs.
- M. Tangan dararien apia, an mibauual sitien tongtong?
- D. Ar panararuar, panlújamar, pangayuar, pangujutar, panabear on urru-

mardarin apia, an maingaranan si ser-vil, an apian tonan si criados.

M. Anianar casalanan di lajuar, an man-trabajo ó manpatrabajot simba, ó fiesta?

D. Mantrabajo yla, ó manpatrabajot ur-riti lojom, alimbaua sinhorasan, ya manoj di casalananan; mu mantrabajo ylat deen horas, si neir sangcan ma-tulir, ya ammay bayao ri casalananan.

M. Mancasalanen òr di tajuar, an man-trabajot simba, ó fiesta, on uean man-durdurua, mu matulir, ó boon ma-tulir di sangcanar?

D. Mancasalanen eman: on atdi yla, ya santuona tat padrear, ó urrumi tajon maamta, mu matulir di sangcanar.

M. Mibaua par panbasabasar, on pan-sulatar si simbardari, on fiesta?

D. Marri raratien mibaua?

LICION 4.

M. Tangan die apatnar tongtong di Dio-sar?

D. *Igalang mu ra amam, on ynam.*

M. Tangat mitongtong sitien tongtong?

D. Ar pangaruar si amar, on ynar: panutuar, on panguigalangar yrira, panádar yrirat abijauandardari, an tonan di batangar on anguear.

M. Sirat mancasalanan sitien tongtong?

D. Ar anâar an marrin manguicabcabilang si amanar, on yuanar: ar manmorar yrira, mu yiunara mos, on ar manujtjmuar yrira.

M. Anianar casalanan di anâar, an marrin mangunur si y tongtong di amanar, ó ynanar ysiat tonan di abbesan di anguear, on batangar?

D. Ammayr casalanar, mu ammay, on mapelet di y tongtongdar ysia: mu boon ylan ammay, on boon pay mapelet, ya manoj di casalanar.

M. On uar atongolan di anâar mangaru, on mirádat amanar, on ynanar, ot maumpus ngon, mu matoyra mos?

D. Marrin maumpus; toy tonana pay sumpalon di testamentorar mu ynapara.

M. Uar nananâardari, tangat atongolan dat anâardari?

D. Tonaran manaju, on manalinu yrira:

manutturru, on manongtong yrira, on manparapat yrirat mebbesar.

M. Tangat tonaran ytutturut anâ dari?

D. Tonarariran ytutturuan si dasalar, on mebbesardarin ugali.

M. On alimbaua, ta uarat anâda an marordongue, anojna òr mu tongtongon da lojom si bâbâ, on easan da?

D. Marrin mianój; toy tonaran bungbungon, on duson, mu urrianan donguen di panongtongdar ysia.

M. Mancasalanan òr di nananâar, an manguiporpór si anânar, on patautona paila; ta asauonar urrianar poddan ajai-jayan?

D. Mancasalanan eman; si atdi payla mancasalanan di anâar, mu manguisipan umasaua si ynurriana tay inpa-
amtat amanar, on yuanar, on marri pay patujutujun yrira, mu tangan dien pipearana.

M. On sirat urrum, an mancasalanan sitie apatnar tongtong?

D. Ar marriardarin manguigalang si papadreardari, apurardari on darauayardari: on atdi pay lar sinbeyanar-

dari, an marrin mansinaru, on maningalajalang, on lalotar babaiardari, an marrin manutua, on manumpal si ybajan di asauarar yrirat tonan di abesan di anguear, on batangar.

LICION 5.

M. Tangan die alimananar tongtong di Diosar?

D. *Marrian mamatoy.*

M. Tangat ybawal di Diosar sitien tongtong?

D. Ar panpardajar si ysuar tajut tonan di batangar, on anguear.

M. Siran di manpardajar si ysunar tajut tonan di batangar?

D. Ar mamatoyar, manujasar, on manpasaitar si ysunar taju: ar mangoròdajar si tonanardarit meaput pangasentar, ó panguibeusnar ysia.

M. Siran di manpardajar si ysunar tajut tonan di anguear?

D. Ar manpacasalanananar ysia, on manguituturuar ysiat lojejomnean mardaj.

M. Tangat tonan apion di tajuar, an

nanpardaj si ysunar tajut tonan di batangar, on anguear?

D. Neir lan urrianan tonan apion ta majanun mabayaran, ó maauilian di ynarodajanar ysia.

M. On sirat urrum si mancasalanan si-tien tongtoug?

D. Ar mibuysuyar si ysunar taju, ar manyamyamar ysia: ar manujtujmuar, on manmorar ysia, man-oy pay lat mannajar manôdaj.

M. Tangat atongolan di mibuysuyar si ysunar taju?

D. Tonanan misabayat ysiat mebbes, on manguibtao si arunar ysiat pangatorna ysiat galang, on panádanar ysiat abijauanardari.

M. Anianar casalanan di manyamyamar si ysunar taju?

D. Ammay ylar saitar, an ajamuamonnat ysunar taju, ya ammay paylar casalananar: man-oj ylar saitar, ya man-oj par casalananar.

M. On alimbaua, ta uarat manguibusuoy si yamyam maram-ot si ysunar tajo, mu boon bayao meaput pusunar mancasalanan ór pat ammay?

- D. Boon ylan nibus si pusunar di nan-
guibusuoynar si yamyamar maram-ót,
ya boon eman casalanan ammay: mu
meapu ylat pusunar di ynpanyamyam-
nar si ysunar taju, ya ammayr casa-
lananar, ampaylamo tutuyuanat ma-
janur ynpanyamyamnar ysia.
- M. Anianar casalanan di babayar, an
mangananap si ynnunan manodaj.
- D. Ammain guet di casalananar, on
lalotay ammay, mu mirunan di pa-
nodajnar si ungar, an mataju mos;
toy uar mangandiar, on manescomul-
gado si atdi paylar nibiangardarit tien
apian panunan matautan.

LICION 6.

- M. Tangan di anomnar tongtong di Dio-
sar?
- D. *Marrián amoy si boonar asauam.*
- M. Sirat mancasalanan sitien tongtong?
- D. Ar mangapiar si lojejomean tonan
di burruyar: ar manbatarar, on lalo-
tar manettear si maspajánar, ar man-
bâbâar on majaijayar mandonguet
sursurardarin mardaj: ar mancancan-

tar si nautardarin maspajan: ar man-seserotar, on mangdonar si lojejomnean tonan di burruyar: on ar marriar umaddauit mangajamirar ysiat tien casalanan.

M. Tangan mebbes an apion di tajuar si pamuor-nat sojsoar tonan di burruyar.

D. Saratu: ar panalanguènar, an pajogôgôs si Diosar: an pangangauar si ynarridirilan di aputauar Jesu-Christo: ar panôtotemar si arapusan di batangar, on anguear; ar panpasaitar si batangar si ayunalar, on bunbungar; on ar panauitauirar si panguinardari, lalo tar matardari; toy dira emat looban si majajot di atayan di anguear.

LICION 7.


M. Tangan di apitunar tongtong di Diosar?

D. *Marrian mangaa.*

M. Tangat mibaua sitien tongtong?

D. Ar pangorodajar, on pangagumar si lojejomnean bandin di ysuar taju.

M. Sirat mancasalanan sitien tongtong?

- 
- D. Ar mangaauar, manpaaauar, mibian-
gar si aaauar, ar mangopetar si bibil,
on apia si maaauar.
- M. Sirat urrum, an mancasalanan si-
tien tongtong?
- D. Ar mamosongar si ysunar taju tonan
di pansasaliuar: ar mansaliuar si ban-
diar, an ynamtanat ynaao: on ar mar-
riar manbayar si majanut otanguar-
dari, mu uarat ybayarna.
- M. Mapatauaran or di casalanan di ma-
aaauar, mu tutuyuanan yconfesal lo-
jóm di casalanamar?
- D. Marrin mapatauaran: on atdi yla
ya uar mangaauar ot tonana tay iulir
ynaauar, on asanan amoy manconfe-
sal, on alimbaua ta neir mos ysiar yna-
auar, on neir mos pay ybayarna, ot
ybajanat padrear, an panconfesalana,
ta ansan yla ya sian manguibajat to-
nanar apion.

LICION 8.

- M. Tangan die aueunar tongtong di Dio-
sar?
- D. *Marrian mangatajatao, on manburbur
ruy.*

- M. Tangat mibauual sitien tongtong?
- D. Ar panpardajar, si ysuar tajut bâbâ.
- M. Siran di manpardajar si ysunar tajut bâbâ?
- M. Ar mangatajatauar si ysunar tajut sajungon di justiciar: ar manguibusuoyar si bâbâ an pangorodajnat purin di ysunar taju: ar manpabaynar ysia: ar manganar si galangnar; ar manguibtauar si casalananan, an niapâp; on ar mangorôdajar si mebbesar pansabsabayat di tajuardarit panguisurnar si ynacolang di ossar si ossar, an eapuan di pandardaramarar, on panynbuysuyrar.
- M. On uar nanganar si purin di ysunar taju, tangat tonanan apion si panguiulina ysiat purinar?
- D. Alimbaua ta nangatajatao di ysunar taju, on boon tua, ta ynapiana rien casalananan, an ynittuna ysia; ot tonanan ybajat sajungon di tajuardari, an nanguibtauanat nie, ta boon tuar sinursunar yrira; on alimbaua, ta tua di ynsurnar yrira, mu niapâp bayao, ot tonanan apion di lom-anar, an mapelet, ta miulir puriar si ysunar taju.

- M. Siran di urrumar, an mancasalanan sitien tongtong?
- D. Ar manburburruyar si bàbâ.
- M. Anianar casalanan di tajuar, an manburburruy si bàbâ?
- D. Casalanan man-oj; mu manpasait ylar burruynar, on manpardaj si ysunar taju, ya ammay, ó man-ój di casalanar si atdir ojòr di panpardajnar ysiat burruynar.

LICION 9.

- M. Tangan di asiamnar tongtong di Diosar?
- D. *Urriam ylueán di asauan di ysumar taju.*
- M. Tangan di apiunar tongtong di Diosar?
- D. *Urriam pay ylueán di bandin di ysumar taju.*
- M. Tangat mibaua siratien duan tongtong?
- D. Ar pangajamuamar si lojejomnean tonan di burruyar, on ar pangajamuamar si bandin di ysuar taju: on ua raratien ajamuam ot casalananda eman, ampaylamo marriran mirunan.

- M. On uar marriar mangajamuam, mu mannomnom bayao si tonan di burruyar, mancasalanan or si asiamnar tongtong di Diosar?
- D. Mancasalanan eman, mu gumaijayan mannomnom si tonan di burruyar: on pûdona yla bayao si majanur sojsoardari, an dumatong si nomnomnar, ot neirlan casalananat tie.
- M. Tangan di sangcanar, toy atdion tau: ta uar sinpiuardarin tongtong, ot matipuj dat pangaruar si Diosar, on pangaruar si ysuar taju?
- D. Toy uar mangaruar si Diosar, ot manguigalang ysia, urrianan ypajuben ysumpar ngaronar masantos, on manpaniao si simbardari, on fiesta, an eajao masantos nitnat Diosar: on uap mangaruar si ysuar taju, ot urrianan pasaiton di batangnar, urrianan orodajan di tonanardari, an asauanar, purinar, galangnar, on bandinar.
-

ANUNUÂN DI TONGTONG

DI INATAUAR SANTA IGLESIA.

LICION 1.

M. Sinunur tongtong di inatauar Santa Iglesia?

D. Limara.

M. Siran di manatongolanardarin manumpal siratien tongtong?

D. Ganaganan di christianoardari, anylian di Santa Iglesias.

M. Sirat manatongolan manumpal si tongtong di Diosar?

D. Lom-an di tajuar, christiano, ta bucalot; toy diran lom-an ot sajud di Diosar, on neir biangna rie, ya sara-tien tongtong ot itutturun di yntoj di eseptauar yritaun taju.

M. Tangan di maunar tongtong di inatauar Santa Iglesia?

D. *Miseum at ossan Missa si simbardari, on festa.*

M. Anianar casalanen di marriar mimisat simbar, on fiesta?

D. Neir ylan sangcanan matulir, ya ammayr casalanenar: mu matulir ylar sangcanar, ya neir casalanenat arinar pimisa.

M. Siran die uarar si sangcanan matulir, si arinar pimisa.

D. Ar manatungardari: ar manalinuar si manatung: ar maniajea si anur, ta uarat dumatong si sait, an boon guet man-ój, si batangnar; ó ta maorodajan si deer bandinar, ó purinar, mu amoy mimisa.

M. Anianar casalanen di miseumar si ossar bojtoy di misar, on marrit ossar?

D. Alimbaua, ta marrin miseum si lapun di misar, an amoy si asasup si Evangelioar, ot man-ój di casalanenar, toy man-ój tien bojtoy: mu dumatong ylat simbaanar si pajauan di padrear manevangelio, ó lalotay mu nabus di Evangelioar, ya ammay bayao ri casalanenar, mu neir sangcan matulir di ynliuliuanar miloob; on atdi pay la ammayr casalanenar, mu bumut-ta lojom si simbaanar si pajauan di

padrear mansantus, on mangonsagra,
toy satur maunar bojtoy ri misar.

M. Tangat tonan apion di tajuar ta
mebbes di pimisanar?

D. Tonanan manpajinô si panguinanar-
dari, ta marrin mantutuili, ta marrin
misabsabaiat, on ta yttuna bayao di
nomnomnar si maapiar si masantosar
sajpat di misar.

M. Anianar casalanan di tajuar, an meeo,
ò mantutupao, ò manesesep manom-
nomnom si apapianardarit beoynar si
pajauan di missar?

D. Dee ylar yeeonar, on pantataan di
nomnomnar, ya casalananan anmay;
on urritî yla, ya casalananan man-òj:
mu urriana yla raratien aboloyan, on
tauirana bayao di yeeonar, on nom-
nomnar, ya neir casalananat die.

M. Tangat mipajuan esepon di tajuar si
pajauan di missar?

D. Anojnan mandasal si lojejomnean pa-
nalanguen, an pajôgôs si Diosar: mu,
toy uar masantosar missa, ot ossan
anomnomán di ynarirdirilan di Apu-
tauar Jesu-Christo, on ossan sajpat, an
pisajpatan Jesu-Christoar onang, an

nisajpat si Cruzar; ya lalon mebbes ta saratut totemon otiar tajuar si pajauan di missar; on mebbes pay, mu dasalona masantosar Rosario.

LICION 2.

- M. Tanga die aruanar tongtong di yuatauar Santa Iglesia?
- D. *Manconfesal at manpingsan si opung di tauonar, on atdi pay mu uarat yeajem si atayam.*
- M. Sirat manotongolan manumpal sitien tongtong?
- D. Ganaganan di christianoardarin natuan mos si esep.
- M. Onat atongolan di christianoar panconfesalan?
- D. Manpingsan si opung di tauonar; on neir biangnarie, atongolana pay manconfesal, mu manatung si masait; ó mu uarat panguijjeanat atayana: on atdi pay la mu majaijayan manauat si batang di aputauar Jesu-Christo.
- M. Anianar casalanan di christianoar, an marrin manumpal sitien tongtong?
- D. Ammayr casalanar.

- M. On uar manconfesalar si mardaj, ot manumpal òr sitien tongtong?
- D. Marri; on mangapia bayao si ossan casalanan beu, an maingaranan si sacrilégio.

LICION 3.

- M. Tangan die atlunar tongtong di yntauar Santa Iglesia?
- D. *Minabang át pasquan di ynulianar matajur Aputauar Jesu-Christo.*
- M. Uar minabangar si lojejomnean eajao si sintauonantar, manumpal or sitien tongtong?
- D. Marri; toy mapelet ta minabang si tiempoar, an nararan naseñalan.
- M. Uar tajuar, an minabang si lojejomnean simbaán, manumpal or sitien tongtong?
- D. Marri: toy atongolanan minabang si simbaán di bebeoyar, an yttuana.
- M. Sirat manatongolan manumpal sitien tongtong?
- D. Ganaganan di christianoar, an nateuan mos si esep, an maraum mos manguimmatun si dioyar si mablear hostias.

- M. Masumpal or tien tongtong si pina-
bangar mardaj?
- D. Marrin masumpal; toy uar pinaba-
ngar mardaj ot casalanan si sacrilegio.
- M. Mancasalanan ór di marriar minabang,
meaput easnar manaral si dásalar,
ó mibus si easnar manluman si pan-
tajunar?
- D. Mancasalanan emat ammay.
- M. Siran di urrumardari, an mancasa-
lanan sitien tongtong?
- D. Ar nananâardari, an marrin mangui-
guitutturut anâdardarit mapeletar am-
tonda otiat panumpaldar sitien tong-
tong.

LICION 4.

- M. Tangan die apatnar tongtong di yna-
tauar Santa Iglesia?
- D. *Manayunal át, mu manpaayunal di yna-
tauar Santa Iglesia.*
- M. Sinnunut mapelet si mebbesar pana-
yunal?
- D. Tiura: ar panganar si manpinsan si
sineajao; ar panpaniauar si laman; on
ar panganar si mamalintur, maseue,
ó cumolang.

- M. Sirat manatongolan manayunal?
- D. Uar najanapardarit duan piu ta os-san tinauon.
- M. On uar yiunardari, an najanap mos si onom apiun tauon, manatongolanda òr tay manayunal?
- D. O Ama, mu masde tar batangdar.
- M. Uar nanganar mos si nanpingsan, ot maraum òr pay mancolacion si labi?
- D. O Ama.
- M. Anianar ojór di pancolacionar?
- D. Aniana ylar ojor di pancolacion di tajeardarin mataut si Diosar, ya atdi otiar pancolacion muar.
- M. Mancasalaman òr di mancolacionar si mamalintur, on asanan mangan si mebbes si labi?
- D. Neir casalanana, mu uarat sangcanaan mangatdi; mu neir yla bayao sangcana, ya manòj di casalanananar.
- M. On uar manganar si urriti si bijbijatar, ot mancasalaman ór?
- D. Marri, mu uarat sangcana; mu neir ylan sangcana, ya manòj di casalanananar.
- M. Sirat marrin manatongolan manayunal?

- D. Ar manatungardari, ar mantrabajoar si masait, on ar manabanardarit unga.
- M. Tangan dararien eajao, an panpaniauan si laman?
- D. Quaresmar, viernes, vigiliasardari, on témporas.
- M. Sirat manatongolan manpaniao si laman?
- D. Ganaganan di christianoar, an nanjanap mos si pitun tauon, an nateuan mos si esep.
- M. On uar manpirpiruar mansirat laman sirarien eajao, ot sinunur casalanar?
- D. Sinunu ylar pansiranar, ya atdi paylar casalananardari.
- M. Uara ór si maraum mansirat laman si neir casalanana?
- D. O Ama: ar manatungardari; ar uarar si Santa Bula: on ar uarar si urrum sangcan matulir.
- M. On uar nanguear si Santa Bula; maraum ór mansirat laman, on ysirat dandum si sapaylarin sinanan?
- D. Marri; toy nibaua.

LICION 5.

M. Tangan die alimananar tongtong di ynatauar Santa Iglesia:

D. *Manbaiar at diezmosardari, on primicias si ynatauar Santa Iglesia.*

M. Ngat atodajan si diezmos?

D. Ar dotaj di bungardari, an mitna pantajun di ministros di Santa Iglesias.

M. Ngat atodajan si primicias?

D. Ar dotaj di bungardari, an manservit gastos di simbaanar, on pangugalangar si Diosar.

M. Atongolan or di christianoardarin manbayar si diezmos, on primicias?

D. Atongolanda eman, mu mitturat beooyar, an uarat ugaliran nararan manbayar.

ANUNUAN

DI SACRAMENTOSARDARI.

LICION 1.

M. Ngat atodajan si Sacramento?

D. Ossan señal manbotao, an indeaj di Aputauar Jesu-Christot pangatornat graciär maupasantos yritau.

M. Ngat otodajan si gracia?

D. Uar atodajanar, ot ossan intoj, an ybubun di Diosar si eseptauar, on ossan arun masantos, an palsonat gajjayatauar, ta maraum taun manguirunan si mebbesar, an ynpaamtana yritau.

M. Tangan dararie, an panguiylang di Diosar si majajot si gracianar?

D. Uar maunardari yrira, ot ar sacramentosardari.

M. Sinunur sacramentosardari?

D. Pitura.

M. Tangan die maunar sacramento?

- D. Bautismo, ar pamautizoar.
- M. Tangat sangean di Aputauar Jesu-Christon nanguireaj sitien sacramento?
- D. Ta siat pangatorna yritaut gracia, on pamatauarna yritaut casalananar-dari.
- M. Tangan nabangon di tajuar si bautismoar?
- D. Miamat Diosar ar mapatauaran di casalananar, an tinauirtaut dadeetauardarin nauna Adan, on Eva, man-oy si urrumardarin casalanan ynapiant nanungua tay manbautizo?
- M. Sirat maraum mamautizo?
- D. Ar padrear, an sacerdotes.
- M. Miaje yla ta matoy di ungar beun nitaju si nanung di padrear dumatong, ot daumon or bautizoan di tajuar, an boon padre.
- D. O Ama: mu amtanan mamautizo si mebbes.
- M. Tangat mipajnan apion di tajuar, ta mebbes di pamautizonar?
- D. Tonanan manguibusuoy si bibilardarin tonan di bautismoar, on mandirisan manguibubut danumar si yun di ungar, on tonana pay pan-osson

di nomnomnar si ninnaj di ynatauar Santa Iglesia.

M. Tangan dararien bibil, an tonan ybusuoy di mamautizoar?

D. Saratie: N. Bautizoâ siat ngaron di Amar, ✠ on Anâar, ✠ on Espiritu Santoar. ✠ Amen.

M. Tangan dien danum, an mapelet si mebbesar an pamautizo?

D. Uar danumâr si uanguangar, ó mu tubuear, tayôtôar, ó mu dagatar, ó mu danum si urran.

M. Mapelet ór ta mabautizoan di ungar, mu ybuttanean lojom di yunar si putun di inanar, si atdir dumatongar, mu mardaj di panaban di babayar.

D. Mapelet eman, ta mabautizoan di ungar si yunar, mu miijen matoy si nanung di buttanar si putun di inanar: on ampaylamo marri tay maraum maimmatunan, mu leay ó babay ungar, uatie ot marrin macabilangan; toy boon mapelet si anur, ta mittur ngaronar si ungar si abautizoanar la.

M. Mapelet ór payla, ta mabautizoan di ungar si limanar, ó siynar, mu

miajen matoy si nanungna tay bumuttat putun di inanar?

D. Mapelet payla.

M. On alimbaua, ta nabautizoan di ungar si limanar, ó signar, on asanan bumuttan mataju, ya mapelet ór ta mapiruan mabautizoan si yunar?

D. Mapelet eman; toy marrin maseguror bautismoar, mu marrin mabautizoan di ungar si yunar. Mu boon ylan miajen matoy ri ungar, ya tonaran ypaanitat padrear, ta ansan yla ya sian mamiruan mamautizo ysia.

M. On tangan dararien bibil, an tonan ybusuoy di tajuar, an mamiruan mamautizot ungar naali, an miajet urrian di padrear datngan?

D. Saratu: N. Marriá ylan nabautizoan, ya bautizoâ siat ngaron di Amar, ✠ on Anâar, ✠ on Espíritu Santoar. ✠ Amen.

M. Mebbes or ottiar pamautizoar, mu asingon ossan tajan manguibubut dannumar si ungar, on ossapay tajo an manguibusuoy si bibilardari, an tonan di bautizmoar?

D. Boon ottian mebbes; toy uar meb-

besar pamautizo, ot mapelet ta uar tajuar, an manguibubut danumar si ungar, ot sia pay lat manguibusoy si bibilardarin tonan di bautizmoar.

M. Maraum òr amoy si viopar di ungar, an matoy si nanungnan mabautizoan?

D. Marrin maraum.

M. On tangan die lugarar, an ayan di anguen di ungardari, an natoy si ynurrian dan dinauat di bautizmoar?

D. Uar lugarar ayanda, ot ar limboar, an ossan liang anmay, an dioy si deum di piôar; on neir urrum si saiton datdi; mu marrin arrirar pibatar si Aputauar Dios, an ososean apearan di anguear.

LICION 2.

M. Tangan die aruanar Sacramento?

D. *Ar Confirmacionar.*

M. Tangat atodajan si Confirmacion?

D. Uar atodajanar, ot ar pangonfirman di Señorar Obispor christianoardari.

M. Tangat nabangon di tajuar manauat si Sacramenton di confirmacionar?

- D. Mebbes elar panauatnar sitien Sacramento, ya miyrum di graciari si anguenar, on maatdan pat soré; ta urrianan tautan iconfesal, on ybtao di panutuar, mu mapelet mibtao.
- M. Tangan dien mipajnan apion di christianoar, an majaijayan manauat sitien Sacramento?
- D. Dauay ylar christianoar, an majaijayan manauat sitien Sacramento, ya mapelet ta amoy manconfesal; on lalo tay mu uarat inapianat casalanan ammay, an ynurriana tay iconfesal.

LICION 3.

- M. Tangan die atlunar Sacramento?
- D. Ar penitenciar; an panconfesalar.
- M. Ngat atodajan di Sacramenton di penitenciar?
- D. Ar panguiconfesalar si casalanandari, on pamatauar di padrear an Sacerdotes.
- M. Sin-unurat tonan di mebbesar panconfesal?
- D. Limara: uar maunar ot ar pannomnomar si mebbes si casalanandari:

uar aruanar, ot ar pantutuyuar yrira;
 uar atlunar, ot ar ping-ot di nomnom-
 ar marrin mampirua yrira; uar apatnar,
 ot ar panguiconfesalar yriran lom-an;
 on uar alimananar, ot ar panumpalar
 si peanurar, ó penitenciar.

M. Tangan dararien casalanan, an to-
 nan nomnomon di tajar si nanungna
 tay gumutu manconfesal?

D. Ar casalananardari, an inapianat nan-
 sunut yubotar ynpanconfesalnat meb-
 bes.

M. Tangat tonan apion di tajar ta ma-
 lippatur pannomnomnar si casalana-
 nardari?

D. Tonanan nomnomon, on tandalan,
 mu tangan dararien tongtong di Dio-
 sar, on tongtong di inatauar Santa
 Iglesiat nilabanana: on atdi payla mu
 uarat ynapiant dararien casalanan, an
 eapuan di urrumardarin casalanan: On
 asana pay mananda, mu uarat ynur-
 rianan sinumpal si atongolanardari.

M. Anianar pilit di tajar, on sisiuatnar
 si pannomnomnar si casalananardari?

D. Aniana ylar pilitnar, ó sisiuatnar
 manganap si peletonar si anur; atdi

paylar pilitnar, on sisiuatnar mannom-nom si casalanardari, toy neir lan urrum si mapelet si atdin deet tajuar macasalanen, si atdir panconfesalnar mebbes.

M. Sinunun tiempo, an gugulon di tajuar si pannomnomnar si casalanardari?

D. Uar manconfesalar si manpingsan lojom si sin-tauonan, on uar uarar si deen atongolana, ot deet peleton dat tiempon pannomnoman dat casalanardari, mu urrumardari, an manconfesal si majajot, on neirardarin deet atongolanda.

M. Tangan die urrumar, an mapelet si mebbesar panconfesal?

D. Ar pantutuyuar si casalanardari.

M. Ngat atodajan si pantutuyu?

D. Osan sait, an mibus si pusum di tajuar si ar inpanguiorojnar si Diosar.

M. Nansinunur pantutuyar?

D. Duara: uar ossar, ot maingaranan si *Contricion*: on uar ossar, ot *Atricion*.

M. Ngat atodajan di pantutuyuar *Contricion*?

D. Ossan sait ammay, an mibus si pu-

sun di tajuar si ar inpanguiorojnar si Diosar, an catuliran aruon, on pableon, mu si lom-anar, si ar beasnar, on able-anar neir ysuna.

M. Ngat atodajan si pantutuyun *Atricion*?

D. Ossan sait, an meaput pusun di tajuar si pannomnomnar si abandayan di casalananardari, an ynpangorojnat Diosar, an maraum marrin manpasgop ysiat gloriar, on manguitodaj bayao ysiat infernosar.

M. Tangat pib-onan di patutuyuar *Contricion* si *Atricion*?

D. Toy uar *Contricionar* ot meaput aruar si diosar, on uar *Atricionar*, ot meaput tautar ysia.

M. Mian-oj or di pantutuyuar *Atricion* si mebbesar panconfesal?

D. Mian-oj mu lalon mebbes, on masegurur pantutuyuar an *Contricion*.

M. Mardaj or di panconfesal di tajuar, mu tutuyuanar casalananardari, meapu lojom si baynar, ó tautnar si uarat dumatong si sait si batangnar?

D. Mardaj eman.

M. Tangat mipajnan apion di tajuar si

pieanat pantutuyuar, an mapelet si panconfesalar mebbes?

D. Uar maunar, ot tonanan rien orauon si Diosar: on uar arauanar, ot tonanan pasorosdeon, ta mantutuyut mebbes, on manguioroj si casalananardari.

M. Ngat innunan sumder pantutuyunar?

D. Sumde emar pantutuyunar, mu nomnomonan ngangauon, ta uar casalananardari, ot nangan da ysiat graciar, an ossan ylang mable, mu lom-anar, an tonau di mundoar: sumde par pantutuyunar, mu totemona, ta neir mos biangnat gloriar, an neir tunana: ta ynpaojom mos si gaijayanarla, an amoy miybat diabloardarit apuyar neir tunana: On atdi pay la, mu totemona, ta ynorojnar Diosar, an Aman paunanan maaru, on ta sinubbetnar ylangnardarit atdin deen eamangan. On mabus yla mos nangangao siratien loman, ya mandasal ottiat panalanguenar; an *Apu Jesu-Christo etc.* mu boon si tamilnar lojom mu marrin pusunar deum.

M. Tangan die atlunar, an mapelet si mebbesar panconfesal?

D. Ta manping-ot di tajuar si masdet

noumnoumar, tamarrin manpiruan mancasalanan.

- M. Tangat aymmatunana, ta masde rien ping-ot?
- D. Uar aymmatunananar, mu ittun di tajuwar si esepnar, on pusunar, an mau-nan manguioroj si lom-anar an tonan di balangar, on mantipet lom-anar-darin sait, mu ar pangapianar si lo-jejomnean casalanan ammay.
- M. On uar manping-otar si masde, an marrin mansumpa; mu marri bayao manping-ot, an marrin mangaa, ot anianar panconfesalnar?
- D. Mardaj; toy asana ylan mebbes di panconfesalnar ya mapelet, ta mapping-ot di tajuwar, an marrin poddan manpiruan mancasalanan, on manguilauin sinapat si lom-anar, an yeajenan mangajamir ysiat casalananar.
- M. Tangan die umapatar, an manpelet si panconfesalar mebbes?
- D. Ar panguiconfesalar si padrear si casalanardarin lom-an si neir lan misaut yrira.
- M. Tangat nabangon taut panguiconfesal tauar si casalananardari?

- D. Uar maunar nabangon tau, ot ta malippatur piea tauar si apatauaran di casalanan tauardari: on uar ossar, ot ta mapuor di aatajayan di pusu tauar si virtud di humildadar, an mibtao si panguiconfesal tauar yrira.
- M. Mebbes or di panconfesalar si majajot?
- D. Mebbes eman; toy satut mangdum si graci ar on ypajnan di taju ar si sajungon di diosar on manparee pay lat alitangan di pusunar.
- M. Anianar gajot di panconfesalar, an ytujun di santosardari?
- D. Manpingsan si opung di buenar.
- M. Mebbes or di pangapiar si confesion general?
- D. Mebbes eman mu yaboloy di padrear si taju ar, an majaijayan mangapiat dien confesion.
- M. Tangat panservian di confesionar general?
- D. Si ar abayaran di ynacolang di confesalardarin damdama, mu uara emat colangda.
- M. Onat mebbes an pangapian di taju ar si confesion general?
- D. Mebbes an apiona, mu majaijaya

mos mangasaua: ó mu majaijayan manguilaput ossan pantajun beu, ó marevotos.

M. Sirat mapelet mangapiat confesion general?

D. Uar maneajear si anur, ta mardaj di inpanconfesalnardarin nioroj, nibus si colang si pantutuyunar, ó nibus si neirar soren di pingotnar an marrin manpiruan mancasalanan.

M. Anianar panguiconfesal di tajuar si casalananardari?

D. Tonana riran yconfesal si ammain asôban di pusunar, on ammain baina, nibus si ynpiseunar si Diosar; tonana pay engatan ta marrin manliliuos manguisursur si casalananardari: ta urriana riran ysangsangcan, on ysalin si urrum taju; on ta marrin mangarongaron si taju: on alimbaua ta uarat peletonan ybajat padrear, an boon casalanan, of urrianan ysursur ysiat di panconfesalanar.

M. Anianar panconfesal di tajuar, mu uarat yconfesalnat casalanan ammay, an ynurrianan ynapia, ó mu ynsautnar casalananar ynapiana?

- D. Mardaj; toy manburburruy, on majaijaya ylan manconfesal si mebbes, ya mapelet ta ibajanat padrear di ynpanburburruynar, on atdi paylar urrumardarin casalanan, an ynconfesalnat potônatdi; toy neir lan napatauaran yrira.
- M. On uar nanamatamar si ossan casalanar ammay, ot mebbes ór di ynpanconfesalnar?
- D. Mardaj, mu tinamanat mibus si easnar nannomnom si casalananardari: mu tinamana yla si boon nibus si easnar mandardaran, ya mebbes di panconfesalnar; mu tonanan ybajat padrear, mu umulin manconfesal.
- M. On tangan dararien casalanan, an tonan di tajuar yconfesal?
- D. Tonanan yconfesal di casalananardarin amtana, ta ammay ran tua, on atdi paylar casalananardari, an durduruonat esepnar, mu ammay ra, ó boon dan ammay.
- M. Tangat urrum si tonanan yconfesal?
- D. Ar yap di casalananardari; on ynurriana ylan dinaum ninomnom di yapdar, ya ybajana rirat maseue, ó cu-

molang, manoy si tiempoar, an nannarnaranat dien ugalin mardaj.

M. Tangat urrum si mapelet an yconfesalna?

D. Ar mitainar si urrum si casalananardari.

M. Ibulijas mu tiet ossan alimbaua?

D. Alimbaua, ta uarat manga-ao si pilaj au tonan di simbaanar, ya marrin mian-øj ta ybajana lojom si Padrear di ynpangaaonar; mu marrin mapelet ta ybajana, ta uar ynaaonar ot tonan di simbaanar: atdi payla, uar nancasalananar si anomnar tongtong di Diosar, ot marrin mian-øj mu ybajanan lojom di ynpiseunar; toy mapelet ta ybajana payla, mu ynmasaua, ó boon ynmasaua, ó ybanan asasup di tajuar niseuana.

M. On uar marriar mangapiat casalanan ammay, tangat yconfesalna?

D. Uar yconfesalna, ot ossat casalananardarin man-øj, an ynurrianan yninaman ynapiã, ta alilat masder pantutuyunar sirrie, on masde paylar pingotnar au marrin manpiruan mangapiat die: on alimbaua, ta mandurdurua, ó ycajena ta boon masder pantutuyunar

sirrien casalanar man-oj, ya lalon mebbes, ta yconfesalnat ossat casalanandarin ammayn damdama, an piruonan tutuyuan, on yoroj.

M. Tangan die alimanan, an mapelet si mebbesar panconfesal?

D. Ar panumpalar si peanurar, ó penitenciar, an atdon di padrear.

M. Anianar casalanar di marriar manumpal si peanurar, an ynator di padrear ysia?

D. Ammair casalanar, mu ammair bojtoy di peanurar, an urrianan sumpalon; mu man-oj ylan guet, ya man-ój paylar casalanar.

M. On-at mapelet si asumpalan di peanurar?

D. Mapelet ta masumpal si tiempoar, an ynbajan di padrear; on neir ylan ynator di padrear si terminot asumpalana, ya mebbes ta masumpal si majanú; toy uar manguirondonoyar si an-san si panumpalnar si peanurar, ot ammair casalanar, mu neir sangcanaan matulir.

M. Tangat nabangon di tajuar si panumpalnar si peanurar?

- D. Uar nabangonar, ot ar panbayarnar si peanur di casalananardari, an mapelet mabayaran si purgatorioar, mo marrin mabayaran si mebbes situ mundoar.
- M. On tangat urrum an mebbes si panbayar di tajuar si peanur di casalananardari?
- D. Ar Indulgenciardari.
- M. Ngat atodajan si Indulgencia?
- D. Uar atodajanar, ot apatauaran di peanur di casalananardarit ar inpapajnan Jesu-Christoar, on sasantosardari, an pibiang di pun di Santa Igle-siar si christianoardarin manalanguen, on mandasal si atdir tujunar yrira.
- M. Tangat mapelet ta maraum di tajuar mangueat Indulgenciar?
- D. Uar mapeletar, ot ta nararan di gracia si anguenar, on ta sumpalonar tujun di nangatorar si Indulgenciar.
- M. On uar Indulgenciar, an nitnat angueardarit purgatoriar, ot daumon or ean di tajuar an neir nararan si gracia anguenar?
- D. Atcion di urrumardarin Doctores, ta nabangon di angueardarir Indul-

genciar ampaylamo neir gracion di manguitnar yrirat die.

LICION 4.

- M. Tangan die apatnar sacramento?
D. Ar Eucaristiar ó comunión.
M. Ngat atodajan si Eucaristia, ó comunión?
D. Osan sacramento, an ittuan di mablear batang di aputauar Jesu-Christo, manoy si deanar masantos, anguenar on ynariosnar si abataran si tinapay, on alaj.
M. Uara ór si matdan si tinapay, on alaj si Eucaristiar?
D. Neirla; toy uar lamos di tinapayar ot nanbaliu mos si batang Jesu-Christo; on uar lamós di alajar, ot nanbaliu si deanar masantos.
M. Boon mabatar si mablear hostias, on calizar di colorar, tepar, on tamtam di tinapayar, on alajar?
D. Mabatar eman sirrir colorar, tepar, on tamtam di tinapayar, on alajar; mu ua rararie, ot boon dan lamos, ó substancian si tinapay, on alaj: mu mar-

rin accidentes, ó abataran di tinapayar,
on alajar.

M. Onát aapian di atdiar panbaliu, an
mamilagro?

D. Maapiat masantosar sajjpat di misar
si ar pangonsagar.

M. Abus ór di batang Jesu-Christoar
si mittut mablear hostias, on abus di
deanar masantos si mittut calizar?

D. Ua y Jesu-Christo ot dioy lan ma-
buat mablear hostias, on dioy pay lan
mabuat calizar, mu nabus dan nacon-
sagra.

M. Uara ór sirrir batangnar, an natoy?

D. Dioy lat din mataju.

M. Mittu or si mablear hostias di yna-
tauar Santa María ó urrum si Santos?

D. Neir la.

M. Uara ór sirrir ángelesardari?

D. Marriran mittut mablear hostias, mu
dioy ra bayao nipalior, an mangui-
galang si aputauar Jesu-Christo.

M. Mabeua ylar mablear hostias, ma-
beua ór pay lar batang Jesu-Chris-
toar?

D. Marrin mabeuar batang Jesu-Chris-
toar; on uar mabeuar, ot ar color di

tinapayar, tepanar, tamtamnar, an accidentes, on abataran si tinapay.

M. On maji-guîs ylar mablear hostias si deen guîguîs: ya tangat guîguîs si ittuan di batang Jesu-Christoar?

D. Uar batang di aputauar Jesu-Christo ot mittun mabuat guîguîsardarin lom-an, on mittu pay lan mabuat sin ossa yrira.

M. Uatoy osossear batang Jesu-Christoar, tangan die ynnunar mandirisan mittut atdin deen hostias, an maninbob-ón, on mansin addauira pay la?

D. Mandirisan mittu yriran lom-an si mamilagro.

M. Yalimbauam tie?

D. Atdir bajangar; an voces di tajuar, ampaylamo osossea, ya mandirisan manguet tanguilan si nanbôbôn si taju, ampaylamo mansin addauira: atdi pay lar batang Jesu-Christoar; ampaylamo osossea ya mittun miypong an mabuat hostias nanbôb-on, ampaylamo mansin addauira.

M. Tangat nanguireaian di aputauar Jesu-Christot sacramenton di Eucaris-tiar?

- D. Ta uarat ypaarnat Santa Iglesiar si ossan seña! di arunar ysia, on ossan bandin manpayaman ysia.
- M. Ngat nabangon di minabangar, on anianar pandardaran di minabangar?
- D. Uatie, ot nibulijas mos si aptioyar anûnûan di dasalar.

LICION 3.

- M. Tangan die alimananar sacramento?
- D. Ar Extremauncionar, an panguipunas di padrear si masantosar oleot manatungardari.
- M. Sirat maraum manauat sitien sacramento?
- D. Ganaganan di christianoar, an nancasalahan, mu uarat yeajenat atayana.
- M. Ta maraum di manatungar manauat sitien sacramento ; mapelet ór ta mandogdog-gò mos?
- D. Marri; on mipajna bayao, ta dauatonat mebbes tar nonnomnar, ta maraum mandardaran manauat si bungan di satien sacramento.
- M. Tangan die bungan di satien sacramento?

D. Mangdum si graciari, on mangaulit toran di casalananardari.

M. Tangan die an maingaranan si toran di casalananar?

D. Ar ujpuyar, an buyon di anguear si pangunurar si mebbesar; toy uar atdiar ujpuy, an meaput casalananardari, ot matdan tat aguear, ampaylamo napatauaran da mos.

M. Tangat urrum bungan di satien sacramento?

D. Mangator si sorei manatungardari, ta manliperat sait di panatungdar, on ta maraum dan mangamis si diabloar sirrien horas yubot: on ua par ossar bungana, ot manpebbes si urrum si batang di manatungar, mu sarrit mipajnat ar abbesan di anguenar.

M. Tangan dien mapelet, ta mebbes di panauat di manatungar sitien sacramento?

D. Mapelet, ta nararan mos di graciari ysia; on uara ylat casalananat ammay, ya mapelet ta yconfesalna tay, on ta tutuyuanan yoroj si masait, on asana mos manauat sitien sacramentot ammain devocion.

LICION 6.

- M. Tangan die anomnar sacramento?
- D. Orden, ar panpa-padrear.
- M. Ngat atodajan si orden?
- D. Ossan sacramento, an mangator si gracia, on panaraum mangapiat apiar-darin masantos, an tonan di Santa Igle-siar, si atdir pan-misar, panconfesalar. etc.

LICION 7.

- M. Tangan die apitunar sacramento?
- D. Matrimonio, pancasal di christianoar-dari:
- M. Ngat atodajan si matrimonio?
- D. Ossan sacramento, an mangator si graciati leayar on babayar, an manca-sal; on manpa ossa pat gaijayarar, on pusurar si panumpaldar si tonan di satien sacramento.
- M. Tangat mapelet, ta mebbes di pandardaran di manauatardarit sacramen-ton di matrimonioar?
- D. Mapelet, ta uarat nararan si gracia

yrira; on uara ylat casalanan dat ammay, ya mapelet ta yconfesal da tay, on ta tutuyuan dat masing-ao si pusu, on asan dan dauaton di bungan di satien sacramento.

M. Tangat urrum si mapelet, ta mebes di panauat dar sitien sacramento?

D. Mapelet ta uar mancasalardari, ot neir urrum si najon dat panauatar sirrie, mu marrin panâna dar, on aauilian di ajamuanardarin mardaj.

M. Tangan die atongolan di sinbeyanardari?

D. Tonaran mansinaru, manyngalajalang, mansindarâda, manynsalinu manyntipet acolangandar, on marriran maraum manbibisâ man-oy si atayan si ossa yrira: on uara ylat anâda, ya tonara riran salinuan, on ytutruan si dasalar, tautar si Diosar, on urrumar atongolan si christiano.

M. Anianar casalanan di umeesar mangasauat nisipananar pangasauan otia?

D. Urriana ylan sumpalon di sipanar si neir sangcan matulir, ya ammair casalananar; toy posongonat masait di nisipananar.

:

- M. Tangat mebbes, an apion di leayar, an nisipan mangasaua, si nanung di asumpalan di pancasalnar?
- D. Uar leayar, ot lalon mebbes, ta marrin amoy si majajot si beoy di babayar, an nisipanana: On uara ylat apilitanan amoy sirri, ya tonanan engatan, ta marrin misabsabayat si asauonar si atantaniranar; mu marrin sajungon di dadeenardari, ta maraumdan mandonguet bâbâondar: uara ylat ajayjayan yregalo ysia, ó dadeenardarit lojejomnean anón, ot lalon mebbes ta boon sian onang mangui-oy sirri: mu marrin ypauitna otiat ybanardari. On ajayjayan ylar dadeen di bayar, ta amoy mantrabajot beoyrar, ó urrumar an tonara, ya urrianan podda tien unuron; toy satut ugalin si buccalot, an nibaua! si masait; on nabuya, ta satut eapuan si deen ardajan: on neir biangnarie ya manpabaybayn tien anur si leayardari.
- M. On uar babayar, an nisipan miasaua; tangat mebbes si apionat nanung di pancasalnar?
- D. Uar mebbesar ot ta marrin mana-

bebeu, ta guminô bayao si beoynar:
on mapelet ylan amoy si addaui, ya
tonanan milu-uy y ynana, ó ybanar-
darin man-angue. Uara elat dongueo-
nat lojejomnean mardaj, ya marri otian
mantataua, on urriana pay sabsabaya-
ton. Mandevocion otiat Vírgenar Ma-
ría; on majtupan yla mos di panca-
salnar, ya pajogôgôs otia ysia, ta man-
guiea yriran sinbeyan si pamendicion
di anânar Jesus, ta sia otiat pansuyuan
dat man-oy lan man-oy.



ANUNUAN DI

PANALANGUEN DI AMAMIAR.

LICION 1.

M. Sirat nangapiat panalanguen di *Amamiar*?

D. Ar aputauar Jesu-Christo.

M. Tangan die sangcanar nangapiat tien panalanguen?

D. Ta manguitutturu yritaut ynnu tauar manalanguen, on pajogôgôs si Diosar.

M. Tangat tona taun orauon si Diosar?

D. Ar lom-anar, an tonan di abbesan di anguear.

M. Mebbes or ta orauon taut Diosar di tonan di abbesan di batangar?

D. Mebbes eman: mu orauon tau yla raratiet Diosar ya tona taun daranon si nomnom tauar, an pajogôgôs ysia, ta ytkena yritaur orauon tauar si tonan di batangar, mu mipajnat ar abbesan di anguear.

M. Nansinunur panalanguenar?

D. Duara: uar ossar, an mirunan si deum di anguear, ot maingaranan si *mental*: on uar ossar an mibtao si bâbâ, ot maingaranan si *vocal*.

M. Anianar tona tauar manalanguen, on pajogôgôs si Diosar?

D. Tona taun manalanguen, on pajogôgôs ysiat ossan esep majinô, si mahumilde, on marevotos, si ammayn panguilalo, on pannarnar.

M. Dasalom ylar *Amamiar*, ya sirat ipitubutveam?

D. Ar Aputauar Dios.

M. Tangat parring ingaranan taur Diosar si Ama?

D. Toy uar piamatauar ysia, ot satut manpanomnom si arunar yritau, on manpasdet panguilalo tauar si gôgôs-nar.

M. Anan taun atdion: Amami; on urrian tau bayao atdion: Ama?

D. Uar maunar sangcan, ot toy uar Diosar ot siat Aman di tajuardarin lom-an on sin-y-iba taun lom-an: on uar aruanar ot ta mibtao ta boon abus di tonan di abbesan tauar si orauon taut

Diosar, mu marrin tonan di abbesan di tajuardarin lom-an.

M. Anan taun atdion: *Uara at vyopar* on ucan tuoy ri Diosar si lugarardarin lom-an?

D. Toy sirrit pibtaoan di glorianar, on ableanar, on sirri paylat panbataran di mapearardari ysiat manbotao.

M. Ngat orauon taut Diosar siratien bibil: *ygalang di ngaron muar?*

D. Orauon taut Diosar, ta amton otiar tajuar dojap di ngaronar masantos; on ta siat purion da otian aruon, on pansuyan.

M. Ngat orauon taut Diosar, mu anan tau: *Dumatong yramir Panariamar?*

D. Orauon tau ysia, ta manari otiat Anguetauardarit tu piôar si at gracionar, on asana mos manpinabang yritaot glorianar sirri vyopar.

M. Ngat orauon taut Diosar siratien bâbâ: *Maunur otiar ajaijayamar situ piôar si atdit vyopar.*

D. Orauon tau ysia: ta ua yritaun tajun mittut tu mundoar, ot manumpal tau ottiat masing-ao si pusu si ajaijayamar, on tongtongnardarin masantos, si atdir

pangunur di Angelesardari, on sasantosardarit di vyopar.

M. Ngat arauon taut Diosar, mu atdion tau; *Uar anon miar si opung si eajao, atdom yramit eajaoar besan?*

D. Pajogôgôs tau isia, ta uat pajauan taun mantajut tu piôar, ot atdona yritaut opung si eajao di lom-anar, an peleton taut tonan di Anguear, on Batangar.

M. Ngat arauon taut Diosar, mu annan tau: *ypatauar mu yramir otang miardarit atdit pamatauar mit naotanganardari yrami?*

D. Pajogôgôs tau ysia, ta ypatauar na yritaur casalanan tauardari man-oy si peanurdar, si atdit pamatauar taut ysutauar nanpardaj, nanmora, on nanopasait yritau; on urrian tau ylan patauaran di ysutauar taju, ya urrian ditau pay patauaran si Diosar.

M. Ngatorauon taut Diosar, mu anantau: *On urrian daamin ypuroy ysiat sojsoar?*

D. Uar orauon tauar, ot ar panaddanar yritaut gracionar masantos, ta urrian taun aboloyan di sojsoar, on ta marri taun paamis si tiuardarin eom di anguear, an mundo, demonio, on batang.

M. Ngat orauon taut Diosar, mu at-dion tau: *Ibaliu raami bayao ysiat mardaj lom-an?*

D. Uar orauon tauar, ot ta ybaliu ritaut Diosar si casalanantar, an lalon mardaj mu mardajardarin lom-an: on atdi pay la ta ibaliu ritau ysiat nanbôbônardarin sait, an maraum dumatong si batangar, mu satut mipajnat ar abbesan di angucar.

M. Ngat atodajan disatie bâbâar yubot: *Amen?*

D. Saotiari: mirunan otiat atdir orauôar.

M. Tangat parring mituptup tien ngaron *Jesus*, si umpus di panalanguenardari?

D. Ta ygalang taun ytauaj di ngaronar tien mable, on ta minabang taut indulgenciasardari, an niylang si manguibusuoyardarit masing-ao si pusut tien ngaron *Jesus*.

ANUNUÂN

DI AVE MARÍAR.

LICION 2.

M. Tangan die maunar panalanguen,
an panguigalang tau, on pajogôgôs si
masantosar Virgen?

D. Ar panalanguen di *Ave Mariar*.

M. Sinunuran bojtoy di *Ave Mariar*?

D. Tiura.

M. Tangan die maunar bojtoy.

D. Satu: *Ave Maria napnuat gracion,
apuar Dios uara ysia: bendita át baba-
yardarin lom-an.*

M. Sirat nangapiat tien bojtoy ri *Ave
Mariar*?

D. Ar Archángelesar San Gabriel si nan-
guibalitanat masantosar Virgen si Mis-
terion di tinajuan di Anâ di Diosar.

M. Tangan die aruanar bojtoy di *Ave
Mariar*?

D. Satu: *on benditar bungan di putumar.*

- M. Sirat nangapiat tien bojtoy?
- D. Si Santa Isabel, an Inan San Juan Bautista; toy uat inayan di Virgenar María an nan-langayan ysia, ot ynbusuoy Santa Isabel dararien bibil si ynpamurinan ynpanguigalang si masantosar Virgen.
- M. Tangan die atlunar bojtoy ri *Ave Mariar*?
- D. Satu: *Santa Maria Inan di Diosar*, on urrumar man-oy si umpusnar.
- M. Sirat nangapiat tien bojtoy?
- D. Ar inatauar Santa Iglesia, an natutururuan si Espíritu Santoar.
- M. Ngat orauon taut masantosar Virgen, mu dasalon taur *Ave Mariar*?
- D. Orauon tau ysia, ta manguipajôgôs, yritau, on manguiea yritaut tien atajuan si gracion di Anânar Jesus on ossan atayan masantos.
- M. Sirat pitubutbean tau, mu dasalon taur *Ave Mariar* on *Salve Ari*?
- D. Ar Aputauar Santa María.
- M. Siran di Aputauar Santa María?
- D. Ossan Señoran masantos, Virgen maliting lan panunan, napnut gracia, on virtudes, on Inan anur di Diosar.

M. Dat ittuan di Aputauar Santa María?

D. Dioy si vyopar di anguenar manoy si batangnar.

M. Uarara or si deen Santa Marían Aputau?

D. Neirla: osossea lojom.

M. Siran pan die, an dioy si Altarar?

D. Uarie ot ymasear, ó tinajutajun di dioyar sirri vyopar: on ygalang tau ylan yrojoan di ymasenar, an dioy si Altarar, ya uar atdiar galang, ot amoy si masantosar Vírgen, an dioy sirri vyopar.

M. Ossosea ylar Aputauar Santa María, ya tangat parring atdion tau: *Inatauar Santa Maria del Rosario: Aputauar Santa Maria del Càrmen; Inatauar Santa Maria del Pilar?*

D. Uar Inatauar Santa María, ot ampaylamo ossosean tua, mu maingaranan si nanbob-on ngaron, ó título, an nittu ysia, nibus si nanbob-onardarin ylang, on gôgôs, an yndunana yritaun christiano.

M. Mipajna or ta pajogôgôs tau paylat Angelesardari, on Sasantosardari?

D. O Ama; toy dirat manguilaua yri-taut sajungon di Diosar, on uar Angelesardari, ot mamiuipiuil dat Santa Iglesias, on manbantayran manaruaruj si tajuardari.

M. Atdi yla uarat Angeles mun manbantay ysia?

D. O Ama; toy ditaun taju ot naopongan taun lom-an si Angeles, an manbantay yritau. Atdi yla, ya catuliran ta mandevocion tau yrirat masing-aos si pusu, ta ytujun tau yrirar angue-tauardari, on batang. On uatoy dioryan sinapat manbantay, on mangu-nur yritau, ot urrian tau ottia riran paadauion yritaut apiardarin mardaj, on tautan tau bayao apion si sajungondar di tautan tauar otian abainan apion si sajungon di tajuardari.

M. Tangan die, an tona taun engatan si pandevocion tauar si masantosar Virgen?

D. Uar maunar, an tona taun engatan, ot ta urrian taun esepon, ta uar gôgô-sardari, on ylang, an orauon taut masantosar Virgen, ot meapura ysia; toy ua ysia ot amung ossan sayur, an pa-

nayusan di ilangardarin atdon di Diosar yritau. Uar aruanar.

Uar aruanar, an tona taun engatan, ot ta urrian taun esepon, ta uara ylat dasalon taut panalanguen, an mitnat masantosar Virgen, ya mabaliuan taun poddat lojejomnean sait, on ta maseguro di yooy tauar si vyopar si ampailamo neir lan pilit taun mantajut atdir aral di Evangelioar; toy uar masantosar Virgen ot urrianan ylauan di majaijayar mannar-nar si casalanar; on neir pay maraum amoy si vyopar, mu urrianan sumpalon di aral di Evangelioar, an tongtongardarin masantos.



ATTUAR PANDASALAR

SI MASANTOSAR ROSARIO

SI YNATAUAR SANTA MARIA.

*Mabus ylar pancruzar, ya marasal di mi-
seupar an pajogôgôs.*

Apumin Dios maaru en panunan, Aman di anguemiardari, yusdung mur gôgôs-muar neir tunanat pajogôgôsmiardari, on panalanguen: on ta maraumdan mansa-uang si tanguilamar maayayu en panunan, ya palitingom ypan di pusumiardari, on tamil miar si apuy ri arumar madios; toy gumutû ami mos dumuuj si siyn di ayayumar madios, on atdion mit ammayn sait di pusumiardari: maayayu en panunan Apu, Aman di gôgôsardari, on

nannob si anguemiardari, tutuyuan mir
ynpanguiorojmiar ysia; toy ar beasmuar
neir tunana, on ar pangaru miar ysia mu
si lom-anar: Ajôgôsan daami ysia, on yla-
loan mi, ta uar panaddamar yramit Gra-
ciamar masantos; on ar panguilauan di
Inamar mable yrami, ot saemandit man-
pasdet ping-ot di nomnomiar manguilu-
man si pantajumiar. On ua isia, maa-
ruen panunan Apumi, ot yean daami ysiat
Anâmuar Jesus si intoj, aru, on gracia,
ta mipajnar panguigalang miar ysiat ma-
santosar Rosario, an dasalon mir besan si
ar ajalangan yuar sin Ina, on ar aataja-
yan di ngaron yuardarin mable, si ar ea-
saan di panutuan di Iglesias Católica, on
ar paniubebbes di ariardarin christiano:
si ar puntutuyun di macasalananardari,
on ar abalian di angueardarit purgato-
rioar, on lalotar nandevotosardari ysia,
on urrumardari, an tona min ypajôgôs.
Amen Jesus.

MISTERIOARDARIN GAYJAYA,

an tonan di maunar bojtoy di Rosarioar, an dasalon si maunar, on apatnar eajao.



Uar maunar Misterion gaijaya, ot ar tinajuan di Aputauar Jesu-Christo.

A Jesus! tinnmajut ar abbesan tauar do-jap!

Tutuyuâ Dios ur seuar lom-an.

Totemon taur gôgôs di Anâ di Diosar, an naapian tajut ar ynpannob nar yritau: On atdi paylar gaijayan di Iuanar masantos si tinajuan di Diosar si putunar maliting lan pangangalang. Si ar ajalangan di satien Misterio, ya dasalon taut ossan Amami, on sinpiun Ave María.

:

NAUT.

Arii gajayamar Apû!
 Si nilasunan di Diosar,
 On naapian tajur nannobar
 Si putumar masantos.
 Anâ mur Anâ di Diosar
 Namalsat dojapardari
 Igalang daat tajuardari
 On Angeles sirri vyopar.



Uar aruanar Misterion gajaya, ot ar ynpan-
 lang-ay ri masantosar Virgen si Capingsanar
 Santa Isabel.

A Jesus! A Virgen, an nanlang-ay y
 Santa Isabel on Anânar!
 Tutuyuâ Dios ur seuar lom-an.

Totemon taur gajayan di Aputauar
 Santa Mariat naulangayanat capingsanar
 Santa Isabel, an nanguigalang si Inan
 di Diosar si ynatdina ysia: *Bendita-at ba-*
bayardarin lom-an, on benditar bungan
di putumar. Mijalang tau payla ysiat
 pandasal tauar si ossan Amami, on sin-
 piun Ave María.

NAUT.

Nitutue át capingsan muar
 Si nandamotan yun dua,
 On nanaj-tutut putumar
 Di ungar an si San Juan.
 Tinutuan mos di Inanar,
 Ta uarar Diosar ysia,
 On yngalang daa ysiat
 Ammain pangaijayana.





Uar atlunar Misterion gaijaya, ot ar nianân
di Aputauar Jesu-Christo.

A Jesus! ni Anà si mahumilde, on
meoja!


Tutuyuâ Dios ûr seuar lom-an.

Totemon taur ynpananâ di Aputauar
Santa Mariat Anânar, an Dios tua, on taju
pay tua, si marrin naorodajan di yna-
Virgenar: On atdi paylar gaijayanar si
nandongueanat Angelesardarin nangui-
galang si Anânar mable. Si ar ajalangan
di satien Misterio, ot dasalon taut ossan
Amami, on sinpiun Ave María.

NAUT.

Ynanà mur Anà di Diosar,
An naapian tajut putumar,
Ta sonban ditau ysiat
Diabloar, on casalanan.

Niseum di Angelesardari
Nanguigalang si namalsar,
Tiu pat Arin maamta
Man-oy si Pastorardari.



Uar apatnar Misterion gaijaya, ot ar ynpan-
guipatanir di Aputauar Santa Mariat Anànar
mablet Amanar Dios: On ar ynpanpalitingnar.

A Jesus! unga, on nitna-át Diosar!
Tutuyuâ Dios ur seuar lom-an.

Totemon taur ynaasôban di Aputauar
Santa Marían nangunur si tongtong di
panpalitingar, on uean marrin narirdiar
ynpan-anânar; On atdi paylar gaijayanar
si nanguipataniranat Anânar mablet Ama-
nar Dios. Si ar ajalangan di satien Miste-
rio, ya dasalon taut ossan Amami, on
sinpiun Ave María.

NAUT.

Ynmoy á mos si Simba-anar!
Nangunur si panpalitingar
Uean marrin narirdiar
Ynpan-anâ muar mabanal.
Ynpatanir mur Anâ muar
Si Amanar neir tunana,
On dinauat na tien sajpat
Si ammayn panunan gaijayam.





Uar alimantar Misterion gaijaya, ot ar inpa-
natong dar si Ungar Jesus si Šimba-anar Je-
rusalem si atlunar eajao si nansunut natila-
ana.

A Jesus! naratong si beoy ri Diosar.
Tutuyua Dios ur seuar lom-an.

Totemon taur gaijayan di aputauar Santa
Mariat nanatnganat Anâ-nar mablen yna-
nap nat ogor si tiun eajao, an natila-ana.
Mijaijaya taut inatauar tien majogôgôs,
si pandasal tauar si ossan Amami; on sin-
piun Ave María.

NAUT.

Nasaitan ean panunân
Si natila-an di Anâ muar;

Mu ammain tuar gaijayamar,
Si nanatngam si Simba-anar.

Mijaijaya ami ysiá
Sitie lingaling muar
Si nanatugam si Anâ muar
Manpalingaling ysia.

ESTRIVILLO.

Satie ynpan-Rosario miar
Itna mi ysián maayayu
Si pajauan min mangangao
Si gaijayan di anguemar.
Apu min Inan di Diosar.
Daddan daami ysiá;
Ta mibatar ami otia
Irayun sin Inat gloriar.

PAJOGÔGÔS, AN PANGUITNA.

Mamis lan panunan Vírgen María, Arin
di vyopar, on pioar, Inan di nannobar
Jesus on Inan di macasalamanardari; tuoy
amin gumutû manlubbub si dapan di si-
ymardarin mable, an manguitna ysiat

pusumiar, anguemiar, on ajamuam miardari, man-oy sitien bojtoy di masantosar Rosario, an dinasal mit ar ajalangamar, on ar anomnoman di Misterioardarin masantos, ta ypatanir mu otia raratiel tronon di Anâ muar Jesus, an manguiylang otia, si ar panlauamar, si mebbesar pansab-sabayat di príncepardarin christiano, on paninpapajuan di pusurar: on atdi paylar easaan di panutuar masantos, on pangamis di inatauar Santa Iglesia; pantutuyun di buccalotardari, hereges, on tajuardarin macasalanan: gratiat abuisuymiardari, on amigosmiardari; alingalingan di naslotanardari, on abaluan di angueardarin masasaitan si purgatorioar, lalotar nandevotosardari ysia, nanopajaijyardari ysia, on tonamiardarin ipajôgôs; apatauarán par, casalanan miardari, on peanurar, an mipajna yrira; pannarnarar si virtudesardari, on ytuttuburar; panubbes si mansuyuardarin mandevocion ysia; ta uar manrosarioardarin manguiyalang ysiat tien atajuan, ot mipajna ami otian manguiyalang ysiat gloriar si man-oy lan man-oy. Amen Jesus.

ATDION LOM-AN.

Ave, Anà di Diosar Ama.

Ave, Inan di Diosar Anà.

Ave, Esposan di Diosar Espíritu Santo.

Ave, ittuan di Santísimar Trinidad.

Marasal si ossan Amami, on ossan Ave Maria on Igalang etc. on miseup di Letanjar, on Oremus, an uarat umpus di Misterioar-darin Magloria; on asanan marasal si Salve Ari, on uar yubotar ot satu.

Mijalang mijâguit di masantosar lan panunan Sacramentot altiarar, man-oy si malitingar lan pangangalan nisisipean di Virgenar María, Inan di Diosar, an apumin nissisipet neir dian si casalanan si nansunut lapun di ynauaranar. Amen Jesus.



MISTERIOARDARIN MEONGCOT,
an dasalon si aruanar, on alimantar eajao.



Uar maunar Misterion meongcot, ot ar ynpanalanguen di Aputauar Jesu-Christot Amanar Dios si Laontar Getsemani.


A lingot mapait, on aslotan Jesusar!
 Tutuyuâ Dios úr seuar lom-an.

Pa-anomnomon taur congcotanar, on aslotan di aputauar Jesu-Christot pajauánan nanalanguen si Amanar Dios; on atdir longcotnar, on naslotanar ya naulingot si dean nanayus man-oy si piôar. Miramay taut longcot dar sin ynat pandasal tauar si ossan Amami, on sinpiun Ave María.

NAUT.

Neongcotan at ammay,
 Si naslotán di Anâ-muar,
 An nanlingot si dean anur,
 Si nanalangueuanat Amanar.

Sirat marrin misasait
 Irayun Jesus on Mariá?
 Nanbayar si otang miar
 Si aslotan yuar sin Ina.



Uar aruanar Misterion meongcot, ot ar ynpamungbungdar si aputauar Jesu-Christon ni-beur si tuurar batú.

A Jesus! nabungbung si beoy Pilatosar!
 Tutuyúa Dios ur seuar lom-an.


Pa-annomnomon taur ynpamungbungdar si masait si aputauar Jesu-Christo;

toy ar casalanan tauardari: On atdi pay
lar aslotan di Inanar nambatar ysia. Mi-
ramay taut sait dan sin Inat pandasal
tauar si ossan Amami, on sinpiun Ave
María.

NAUT.

Binungbung dar Anâ muar
Si liman libu ot nascuean,
On natirtiran mos si dea
Di arenardarin lom-an.

Anianar longcot muar,
Inan maayayuan!
Si nambataram si Anâmuar
Nasujasujat si bungbungnar!



Uar atlunar Misterion meongcot, ot ar yn-
pamayangot dar si yun Jesusar si subit ma-
tarom.

A Jesus! Arin nasasaitan si subit on
mora.


Tutuyuâ Dios úr seuar lom-an.

Pa-annomnomon taur sait di aputa-
uar Jesu-Christot namayangtan dat yunar
masantos si subit matarom: on atdi pay
lar ynpanujtujmurar, on ynpanmorarar
ysia. Miramay taut aslotandar sin ynat
pandasal tauar si ossan Amamin, on sin-
piun Aye María.

NAUT.

Pinayangtan dat subit
Si Jesus maaru en panunan
Si anán da ari anuman
Si panujtujmura ysia.
Noy ynar Anâ muar,
On uean Ari, on Dios tua,
Ya minoramoraran guet
Si panunan di saitnar.





Uar apatnar Misterion meongcot, ot ynpamasón di aputauar Jesu-Christot cruzar.

A Jesus! namasón at cruzar nisajpatam!

Tutuyuâ Dios úr seuar lom-an

Pa-annomnomon taur ynpamasón di aputauar Jesu-Christot cruzar guet maram-ot, on atdi pay lar ynpiramun di Inanar masantos ysian nantaltalipuyung, on nisungsungbub si piôar, si ar acapuyan di arenardarin lom-an guet nasaitan. Miramay taut sait dar sin Inat pandasal tauar si ossan Amami, on sinpiun Ave Maria.

NAUT.

Inmoy pinmasón si cruzar
 Di Anâmuar nasaitan,
 On niluuy á pay ysia
 Sirrien dean mapait.

Pinunan di aslotamar
 Si nanbataram y Jesus
 Nisungsungbub si piôar
 Si ar maram-otar cruz.



Uar alimantar Misterion meongcot, ot ar yn-
 panguipasaj dar si aputauar Jesu-Christot cru-
 zar, on nayatanar sirri; ta somban ditau ysia.

A Jesus nipasaj! Ari, on nannob!
 Tutuyuâ Dios úr seuar lom-an.

Pa-anomnomon taur sait, on bain di
 aputauar Jesu-Christot nanguilabusan da
 ysia, on nanguipasajan da ysiat cruzar;
 on atdi pay lar aslotan di Inanar nan-
 batar si lom-anardarin sait, an yntipen
 di Anâ-nar si ar ynpanbayarnar si casa-
 lanan tauar, an otang taut Diosar. Mi-
 ramay taut sait, on longcot dar sin ynat
 pandasal tauar si ossan Amami, on sin-
 piun Ave María.

NAUT. 7

Arii sait di pusumar!
 Si nanguipasajan dat cruzar
 Si Anâ-muar mabanál,
 An Ari pay lat vyopar.
 Misasait ami pay la
 Si aslotan yuar sin Ina,
 An inpanbayar yun dua
 Si casalanan miar lom-an.

*Uar urrumar, an miseup, ot dioy mos si
 umpus di Misterioardarin Gayjaya.*

MISTERIOARDARIN MAGLORIA,
*an dasalon si atlunar eajao, Sábado, on
 simba.*



Uar maunar Misterion magloria, ot ar ynu-
 lianar matajur aputauar Jesu-Christon nan-
 nob yritau.

— A Jesus! inmulin matajut magloria!
 Tutuyuâ Dios úr seuar lom-an.

Ngangauon taur gaijayan di aputa-
 uar Santa Mariat nanguilanat Anâ-nar
 mablen inmulin matajut ammain soné,
 on glorian di batangnar masantos. Mi-
 jaijaya tau yriran sin-ynat pandasal ta-
 uar si ossan Amami, on sinpiun Ave María.

NAUT.

Gumaijaya á mos María,
Toy ynmulin tuan matajur
Anâ muar, an magloria
Si marri mos masartan.

Mijaijaya ami ysia;
Toy batarom di Anâ-muar,
An magloriar batangnar
Manpalingaling ysia.



Uar aruanar Misterion magloria, ot ar yn-
panayang di Anâ di Diosar si vyopardari.


A Jesus nanayang si asdeanar onang!
Tutuyuâ Dios úr seuar lom-an.

Nganguon taur gaijayan di aputauar
 Santa Mariát nanbataranat Anânar mablen
 nanayang si vyopardarit asdeanarla, eu-
 uynat marrin mayap si Angeles, on an-
 guen di sasantosardarin ynsayatnat infier-
 nosar, on ynluuyna rirat vyopar. Mi-
 jaijaya tau yriran sin ynat pandasal ta-
 uar si ossan Amami, on sinpiun Ave María.

NAUT.

Nanayang si vyopardari,
 Di Anà muar, an masné
 Euuynat Angeles deé,
 On sasantosardarin nauna.
 Inilam di aram-otnar,
 An ynpanayangnat vyopar
 On sirrit panmeongána
 Si uauanon di Amanar.





Uar atlunar Misterion magloria, ot ar dinatngan di Espíritu Santoar, an bineberan sin Amat Apóstolesardari.

A Jesus! namebet Espíritu Santoar!
Tutuyuâ Dios úr seuar lom-an.

Ngangauon taur gaijayan di aputauar Santa Mariát nilasunan di Diosar Espíritu Santon bineberan sin Ama, on nantanung si pusunar maliting lan pangangalan, on pinunar anguenar masantos si marrin minûnû si ylang on gracionibus si vyopar. Mijaijaya taut ynatauar tien maayayu si pandasal tauar si ossan Amami, on sinpiun Ave María.

NAUT.

Uar Espíritu Santoar,
 An Dios, on atlunar personas
 Linmasun nibus si vyopar,
 Nantanung si deum muar.

Marrin maraum minûnû
 Di bungardarin lom-an
 On ilang nibus si vyopar
 An ynipnuna ysia.



Uar apatnar Misterion magloria, ot ar natanayan di aputauar Santa Mariat niayanganat vyopardari.

A-Jesus nanguaiyang at Inamar sirri vyopar.

Tutuyuâ Dios úr seuar lom-an.

Ngangauon taur gaijayan di aputauar
Santa Mariat natayanar masantos si neir
saitna: on atdi, pay lar ynulianar ma-
taju man-oy si niayanganar si vyopar-
dari, an pinabanganat glorian di Anâ-
nar si man-oy lan man-oy. Mijaijaya taut
pearnar tien mebbes lan panunan si pan-
dasal tauar si ossan Amami, on sinpiun
Ave María.

NAUT.

Dinmatong mos di ojórar,
An inayau mu én sinapat
Si naabusan di atajuamar
Ta umiatu at vyopar.

Niramur Anâ muar,
On yntiur daat ataj-oyar
Manmeong at uauanonar,
On minabang-at glorianar.





Uar alimantar Misterion magloria, ot ar yn-
pangoronan di Santíssimar Trinidad si apu-
tauar Santa María, ta siat Arin di pinalsar-
darin lom-an.

A Jesus! nangaróna-á y Inam onang!
Tutuyuà Dios úr seuar lom-an.

Nganguon taur talongaring di apu-
tauar Santa María, an ynpanpaataj-oy ri
Diosar Ama, Anâ, ón Espiritu Sarto mu
si urrumardarin pinalsa, yningaranan dat
Arin di vyopar, on pioar. Mijaijaya taut
pearnar tien neir ysunat pandasal tauar
si ossan Amami, on sinpiun Ave María.

NAUT.

Ammain tuan pangangalan
Di ableamar, on talong-garing
Toy siâ emat man-Ari
Si pinalsardari lom-an.
Mijaijaya ami ysiat
Ammayar aatajayam
On ytna mi tien Rosario
Ta ypajogògôs daami ysiâ.

*Uar urrumâr an miseup, otdioy mos si
umpus di Misterioardarin Gaijaya.*

LETANIAN

DI YNATAUAR SANTA MARIA.

Kyrie eleyson.
Christe eleyson. etc.

OREMUS.

Gratiam. etc.

PANALANGUEN

an mitnat ybabbangunar si bijbijatar, on nanung di panyatuar si labi.

Igalang û sian Apu Dios, Ama, on Anâ, on Espiritu Santo, tiuran Personas nanbob-on on ossosean Dios: igalang û sia; toy pinalsanâ ysiâ, inpasnobâ ysiat Anâ muar, an Apo Jesu-Christot dèanar mable lan panunân, on ynpan Christiano-â ysiâ. Ngat ibeus-û ysian Apu, an Dios ûn majogôgôs, on mebbes si neir ysum? Ngat ysubbet û ysiân Aman matalayâp siratu gôgôs muar datu? Igalang û siâ, on pasipanatô sian yjaguit; toy ynajôgôsânâ ysiat eajuar besan, (mu labiar) inbaliuâ pay ysiat mardajardarin lom-an on eom dojap. A Dios û! gaijayam otia Apu, ta yrapus mur gôgôs muar si anguear tie, on batang si eajuar besan (mu labiar) urrianâ ysian ybuey si mablear limam, ta marria mos mancasan. Tuoy mos Apu, di anguear pasi panaraumnardari on batang uar, on panguinanardarin lom-an, an yntujun ún ytna ysia, ta bantayam diran ajôgôsân, on

palitingom diran pasdeon, ta dirat pansu-
yû ysiat tu piôar, on asâ minabang ysiat
di vyopar. Amen.

PANALANGUEN

si nanung di panconfesalar.

Apû Jesu-Christo: ajôgôsanâ ysia. Tobe-
om di panconfesal uar tie, toy sia et ma-
ayayu: Sia pat majogôgôs, siat ylaloâ an
manpebbes, on manpatajut anguear si gra-
ciamar masantos. Ajôgôsanâ ysian atdan si
ammayn pantutuyut casalanâardari, ta
lumippatur pusuar tien nanmajan, ta
ybilâ si umeajao, on eablabir casalanâar-
darit masait ybil, matuan humildad, on
maliting si pusu. Dauatom Apû di pajo-
gôgôs uar tie; toy sirat anapô, an dumad-
da ysaon, mu umalijaja-â? sirat mama-
tauar si casalanâardari? nomnomom, ta
ynajogosam di Cananear on publicanoar
nanpenitencia, on nantutuyu. Dinauat mu
par ynpan-ybil San Pedroar: dauatonâ
pay ysia Apû on dongueom otiar pajo-
gogos uar tie; toy urrummeon siat ynpa-
pasaj si cruzar si ar ynpannob muar si

macasalananardari. Urriam nomnomon di casalanâardari, acolangâ on dordonguê: nomnomon ay bayao di beas muar, on gôgôs. Mipajna ylar infiernosar ysaon, toy nancasalanânâ; ya marri bayao naan ysiar panaraum muar, on gôgôs muar manga-uit ysaon si vyopar. Ajôgôsam di anguear tien macasalanan, on auiliam di sujatnardari. Sian Jesus ut con-gauâ, siat anapô on ajaijayâ. Pabatar mu ysaon di aya-mosan di aping muar, on malajuâ mos. Panunan majogôgôs Jesus! Orâuô ysiat ar ipapajnamardari, on ar panguilauan di luamar masantos lan panunan, on sasantosardari, ta ylangam otiar anguear maayayuan si yntoj muar madios, an manpanomnom ysaon si acolangâardari, on casalanâ, on manguituturu pay ysaon manguiconfesal yriran lom-an si amirain ynahumilde, on pantutuyun di pusuar; ta yjaguit û rayun sin Ama, on Espíritu Santo, tiuran Personas nanbob-on an ossosearean Dios si man-oy lan man-oy. Amen Jesus.

PAJOGÔGÔS

si podaj di panconfesalar.

Maaru en panunan Jesus, an nannob ysaon, pajogôgôsâ ysiat ar inpapajnamar-dari, on ar panlauan di Inamar masantos lan panunan, on sasantosardari; ta tobeom otiam pebbeson di ynpanconfesalar uar tie, on ta uara ylat colang di satie ynpanconfesalar uar, on niorojardari, nibus si boon nipajuar ynpanguiconfesalar uar si casalanâardari, on ynpatutuyuar yri-ra, on nibus si boon masder ping-ot uar manguiluman si pantajuar; ya san-sanen otiar gôgôs muar, on ayayumar daratien ynacolang û; ta mapatauaran di casalanâardarit tu pioar, on lalotat di vyopar. Amen Jesus.

PANALANGUEN

si nanung di pinabangar.

Apû Jesu-Christon majogôgôs lan panunan, maamtat neir ysum, on me-

bes si neir yngos mu! ammailr bain uar, on-taut un gumûtû ysian Arin di ariar-dari, on Dios manaraum si lom-an. Am-tam mos Apu, di amoraar, on yuaneirar alagâ si sajungomar mable; toy siat Dios, an manaraum si lom-an, on ua ysaon ot ossa an pinalsan mamora, on guet mayubis. Tumanâ eman Apu, on mabayna misajung ysia; toy nomnomô ylar casalanâardarin dee, ya ansan tuar dian di anguear, ansan di ynatajear; mu am-paylamo atdir taut uar, on bain uar an gumûtû ysian Apu; ya pajogogosâ ysia; toy ammailr pilit di pusûar an majai-jayam manauat ysia, on lalotay aumair gôgôs muar, on ayayúmar si majaijyardarin manauat ysiá. Apu ajogosana ysia, on palitingom di anguear, ta mipajna otian pantanungam: dilajam Apû di nomnom uar, esep uar on gaijayâ-ar; ta sia et nomnomô otian esesepon on ajaijayan sinapat. Bebeom ypan di angelesmuardarin manutturu ysaon si mipajnar panguigalang uar ysia toy ua ysaon ot ossa tajun mabojôt, on ua ysiá bayao Apû Jesu-Christo, ot neir lan tunan di panaraumi-muar, beas, ynaam ta, on gô-

gòs-muar. Umdajolan pajogògòsà en pajogògos ysian Apu si manpirpirua, ta patauaranâ ysia, dilaj-nâ ysia, on ytutturnanâ ysiat pangunur uar si mebbes, on panumpal uar si tongtongmuardarin lom-an sitie piôar panluan; ta sumpalô ylan unuron di ajaijayamar, sitie piôar, ya asâ otian mibatar, on minabang ysiat man-oy lan man-oy si ossar atajuan, an neir lan tunana. Amen Jesus.

PANALANGUEN

mu mabus di pinabangar.

Apû Dios, manaraum si lom-an! misalsalamatâ ysiat ar ylangmuardarin nanlob-on; on lalotay toy ynajaijanâ ysian ynpinabang si mablear batang di Anâ muar tanir, an Apumin Jesu-Christo. Pajogogosâ ysian Aman maayayu lan panunan; ta uatie ynpancomulgar uar, ot bon sia otiat panguêa si dusa, mu marri bayao apatauaran di casalanâardari. Pasdeona otia ysaon di panutuar, pansor, on pangaru: paagotbonar gaijayaar ysiâ, on

patayona ysaon di ugaliardarin boon mebbes: pabtiona ysaon di ganaganan di ajamuamuardarin mardaj, on paattubuona ysaon di caridadar, tipear, matuar humildad, on virtudesardarin lom-an. Pajinoona otiar pusuar, on sia pay lat manguibaliu ysaon si eomardarin mabatar, on marriardarin mabatar. On manpiossa pat anguear ysian Dios ú, on Apu. On uatoy ynajaijayanâ ynpibiang ysiat tie mablear lajbú, ya pibiangonâ otia pay ysiat lajbúar ma-vyop si gloriar. Amen Jesus.

PANALANGUEN

mebbes si pajauan di misar, on podaj di pinabangar.

Anguen masantos lan panunan Jesu-Christoar, pasantosaná ysia.

Batang mable lan panunan Jesu-Christoar, ybaliuâ ysia.

Dean Jesu-Christoar, pabirangonâ ysiat aruar madios.

Danum maliting lan panunan, an nibus si lauis Jesu-Christoar, palitingonâ ysia.

Lingot di aping Jesu-Christoar, aui-
lianâ ysia.

Ynarirdirilan masait Jesu-Christoar,
pasdeonâ ysia.

A Jesus mebbes! bantáyanâ ysia on
urriam aboloyan, ta mibisâ-a ysia.

Ibaliuâ ysiat eomar mardaj.

Ayajanâ ysiat guitin di atayâar, ta
umaliâ ysia, on mittuâ miasasup ysiâ;
ta mibiangâ si ángeles muardari, on ar-
chángeles, an manguigalang ysiat man-oy
lan man-oy. Amen.

PANALANGUEN

si nanung di panganar.

Apû Dios! ganaganan di pinalsardari,
ot mantangardara ysia; toy siâ et pam-
dean dan mamaan yrira, mu potô mos
si panganán! Ngat ybeus û ysián Apu
Dios si niraranar tien anô besan? Ben-
dicionam Apu tien anón; ta maraum
manpebbes si batang uar, sumuyu ysia.
Dâdâna si ganaganan di ángelesardarin
manguigalang yrayun sin Ama, on Es-
píritu Santo, tiuran personas nanbob-on,

on ossean Dios si man-oy lan man-oy.
Amen Jesus.

*Asanan marasal si ossan Amami, on ossan
Ave Maria.*

PANALANGUEN

si podaj si panganar.

Nangan mos di neupsutardarin taju,
on nabsujda mos, on ygalang dan ija-
guit di Apuar Dios di manganapardari
ysia. Cumolangâ bumeus ysian Apu Dios
sitie ynpamaan muar ysaon besan. Si-
nunuran tajun masiringan, on mabsujda
otiat toran di ynan-uar, on saon bayao,
ampaylamo macasalananâ taju, ya ina-
jogosam mos, ta marriâ masiringan: yga-
lang daat lom-anardarin santos mut na
vyopar, on ynaruarumardarit tu piôar;
toy Dios ean Dios sinapat lan sinapat.
Amen Jesus.

*Asanan marasal si ossan Amami, on ossan
Ave Maria.*

PANALANGUEN

*mu maconpan si oracion si bijbijat, mama-
lintur, on labi.*

Uar Angel di Diosar nanguibalita y
Santa María, on nisisipet apian di Diosar
Espíritu Santo.

I. Ave María napnuat etc.

Tuoyâ mos situn imbeoy ri Diosar,
maapia mos ysaon si atdi lar tubutbemar.

II. Ave María napnuat etc.

Naapian tajur Anâ di Diosar, on nittu
yritau.

III. Ave María napnuat etc.

Asanan marasul tien

Pajogôgôs.

Oraon mi ysiâ, Apú, ta ysuiung mut
anguemiardarir graciamar masantos; ta ua
yramin nangamtat tinajuan di Anâ muar
Jesus, si ar ynpanguibalitan di Angele-
sar, ot mibiang ami otiat ar ynarirdiri-
lamar, on Cruzar, si glorian di ynulianar
mataju. Amen.

PANALANGUEN

*an panpalibbat si manatungardarin an maj-
tupan mos matoy.*

Tu Juan si manbasar.

Uar manbasar siratien Panalanguen si manatungar, ot mebbes ta basona rirat manayuayun, on ammain asing-auan di pusunar. On maim-matunan yla, ta mebbes tar pandonguen di man-atungar, ya urriana otian sugguirón di bajangnar an manbasa, on urriana pay riran pantanungon bason, mu marrin ytuiognat urriti si opong di panalanguenar, ta daumon di manatungar an ngangauon di mi lamosar si sin osar yrira.

Asan dan dumiuj mandasal si masantosar Rosario si panguipajôgôs dat Diosar si man-atungar, on mauasitan si majajot si benditar; toy sarrit manpabti si diabloardarin manliliuos si man-atungar, an majtupan mos matoy.

Ysajung yo ysiar Santa Cruzar, on pasingao yut manpingpinsan, on lalo tay mu

majanu mos mapottangan. Natoy ila mos di manatungar, ya marri ayun man alboroto, on ojdon yu bayao di panybilar, on dasalon yur masantosar Rosario si ar abaliuan di anguenar si purgatorioar, on ta majanun amoy si Diosar sirri vyopar.

PANALANGUEN

aptioy, an panguibtauuan di manatungar si Panutuar, Pansor, on Pangaru, man-oy si pantutuyuar si casalananardari.

N. Pasdeom di nomnom muar, on panutuar si Diosar; toy masait mos guet di panguinamar, on majanu an amoy mi sajung si Diosar, urriam aboloyan di soxsoardari, an ysajung di diabloar si manatungar majtupan mos mapottangan; on uara ylat ysojsona ysiat lojejomnean cumontrat Panutuar, Pansorar, on Pangaru, ya urriam guet tobeon, on atdiom bayao si deum di pusumar, mu urriam daumon ybussuoy si tamil muar.

Apu Dios tutuô si masder lom-anar, an patutuan di Inatauar Santa Iglesiat Christianoardari.

Dios û on Apû, siat ylaloâ, on pamdean di anguear,

A Dios majogôgôs! Siat aruô, on pableô mu si lom-anar.

A Dios maayayuen panunan! patauaram Apu di casalanâardari.

Ajogosanâ ysia, Apu, ta amoyâ minabang ysian Dios, manaraum, si lom-an, on mebbes si neir aysum.

Sian Apû Dios si nibusâ, on sia pat ajaijâiâ mos otian ayan, ta minabangâ ysiat man-oy lan man-oy.

Urriam ypuroy di pinalsamar tie: marriâ ylan maraum amoy mibatar ysiat mibus si casalanâardari, ya tuoyâ mos besan Apû, an dumuuj si sajungomar: tutuyuâ di casalanâardari, ybila, on yoroj û riran lom-an, on manpingotâ si masde, an marri mos manpiruan mancasalanan.

Urriam yauir ysaon di apingmuar mebbes lan panunan, an ajaijayan di Angelesardarin pibataran si vyopar si man-oy lan man-oy.

Itujun û mos, Apu, on yentregâ si limamardarir anguear; dauatom ypan, on yttum yساسup ysia; ta marrin matodaj si apuyar neir tunana.

A Dios û ! an ossosean Dios on tiuran personas nanbôbôn; uatoy siat namalsa ysaon, nanpataju á ysaon man-oy besan, on nanpa-Christiano á ysaon, ya ajayjayam otia, Apú, ta mibiangâ si Angelesardarin manguigalang ysiát vyopar si man-oy lan man-oy

Mamis Jesus û on majogôgôs lan panunan ! siat nannob ysaon si Déamar mablen ynibbong mut Cruzar, ta mauesan otiar anguear, on ta dumaumâ otian minabang, on mibatar ysiá; yusdung mu ysaon di matamardarin maayayú on urriam ypeanas besan di anguear sitie piôar paneomán; toy asasup mos di atayâar.

Jesus ! Jesus ! Ajogosanâ ysiár besan: patauaranâ ysia. Jesus, María ! daddanâ yrayo, ajogosanâ yrayu.

A Marían masantos lan panunán ! siat ylaloâ besan, an manguilaua ysaon si Diosar on siá pat congauâ besan Dâddanâ otia ysiát tien horas di atayâar.

Inan majogôgôs ! Inan maaiayu ! Inan di Aputauar Jesu-Christo, on ynâ payla ! ypajogosâ ysiát Anâ muar Jesus an aruô, on pableô mu si lom-anar.

Mamis Vírgen María ! urriam aboloyan,

PANABAYAS DI MANPAMISAR.

S. Confitemini Domino quoniam bonus.

M. Quoniam in sæculum misericordia
ejus.

S. Confiteor Deo etc.

M. Misereatur tui omnipotens Deus, et
dimittat tibi omnia peccata tua, liberet
te ab omni malo, salvet, et confirmet
in omni opera bono, et perducatur te
ad vitam æternam.

S. Amen.

M. Confiteor Deo omnipotenti, et Beatæ
Mariæ semper Virgini, et Beato Domi-
nico Patri nostro, et omnibus Sanc-
tis, et tibi Pater quia peccavi nimis,
cogitatione, locutione, opere, et omi-
ssione, mea culpa: precor te orare
pro me.

S. Misereatur tui etc.

M. Amen.

S. Absolutionem, etc.

M. Amen.

S. Adjutorium etc.

M. Qui fecit cœlum, et terram.